

B. N. C.
FIRENZE
1094
6



1034-6



VNDAM
ARTI
CARMINVM.
Q. HORATII FLACCI
Commentatio
HVGOLINI MARTELLII
Episcopi Glandaten.
AD SERENISS. FRANCISCUM
MEDIC. MAG. DVCEM ETRVR.



FLORENTIAE,
Ex Officina Junctarum. 1579.

Cum Licentia, & Priuilegio.

VINDAM

ARTI

CARMINUM

Q. HORATII FLACCII

Commentatio

HACOLINI MARTELLI

Philosophi Ordinarii

MDCCCLXXII

MDCCCLXXII



FLORENTIAE

Ex Officina Typographica

Cond. L. G. G. G.

1846

11

ISCO MEDICI
MAGNO DVCI ETRVRIÆ,
HYGOLINVS MARTELLIVS EPISCOPVS
GLANDATEN. SAL.



EGVM nostrum est, & christia-
num populum in officio pietatis con-
tinere domi, & nominis christiani
hostes infestos ulcisci foris. Hac
tu Francisce Dux magne, dum res etruscas or-
nas moribus emendas legibus, dum Turcarum
immanitatem feritatemque, irremediabilibus tuis at-
terere non formidas, sane prestat optime ac fortis-
sime. Antistitum christianorum est, & proprium
gregem in catholicis pascuis custodire, & sylue-
stres capreas ad ovile Christi Domini nostri al-
licere et cicurare. Illud voce dudum pro virili
faciebamus, dum ouiculas nostras hereticorum
voces non auscultare condocebamus; istud cala-
mo nunc adnitimur, dum ethnicum (poetam ne
dicam utiliorē an philosophum dulciorem?) Hora-
tium Flaccum, ad frugē christianis hominibus con-
gruentem adducimus. Honesti ac pii nostri cona-
tus modo specimen damus, et tuo nomini dica-
mus. Rege dux bone, Regna DVX MAGNE.

IQ. HORATII

ODE SECYNDACLIBRA QVARTI CARMINVM.

AD ANTONIVM IVLV M .

PINDARVM quisquis studet amulari
 Jule, Ceralis ope Dadalea
 Nigritur pennis, vitreo daturus
 Nomina ponto.
 Monte decurrens velut amnis, imbres
 Quem super notas aluere ripas,
 Feruet; immensusq; ruit profundo
 Pindarus ore,
 Laurea donandus Apollinari,
 Seu per audaces noua dithyrambos
 Verba deuoluit, numerisq; fertur
 Lege solutis:
 Seu Deos, regesq; canit, Deorum
 Sanguinem; per quos cecidere iusta
 Morte Centauri; cecidit tremenda
 Flamma Chimera:
 Siue, quos Elea domum reducit
 Palma cœlesteis; pugilemūe equumūe
 Dicit, & centum potiore signis
 Munere donat:
 Flebili

112

Flebili sponsa, iuuenem iue raptum,
Plorat; & vireis animumq;, moresq;
Que aureos educit in astra, nigro-
Que inuidet Orco.

Multa Dircaum leuat aura Cycnum,
Tendit Antoni, quoties in altos
Nubium tractus: Ego apis Matina
More modòq;

Grata carpentis thyma per laborem
Plurimum circa nemus, vüidq;
Tiburis ripas, operosa paruis
Carmina fingo.

Concines maiore poeta plectra
Casarem, quandoq;, trahet ferocis,
Per sacrum cliuum, merita decorus
Fronde sicambros:

Quo nihil maius, meliusue terris
Fata donauere, boniq;, diui,
Nec dabunt: quamuis redeant in aurum
Tempora priscum.

Concines latosq;, dies, & urbis
Publicum ludum, super impetrato
Fortis Augusti reditu, forumq;
Litibus orbum.

Tum

Tum mea siquid loquar audiendum
Vocis accedet bona pars, & ò Sol
Pulcher, ò laudande, canam recepto
Cæsare felix

Tuq; dum procedis fo triumphe
Non semel dicemus Io triumphe
Ciuitas omnis, dabimusq; diuis
Thura benignis.

Te decem tauri totidemq; vacca
Me tener soluet vitulus relieta
Matre, qui largis iuuenescit herbis
In mea vota.

Fronte curuatos imitatus igneis
Tertium luna referentis ortum,
Qua notam duxit niueus vidèri
Cetera fuluus.



14

QVÆ TRADANTVR
IN HAC ODE

Ex ipsis met poeta verbis ac modo.

- 1 SCOPYM esse carminibus lyricis docere artem lyricam.
- 2 Docendi viam esse commodissimam, per indagationem
& explicationem causarum incedere.
- 3 Causæ rerum quor sint, & quis inter illas ordo & ratio.
- 4 Quis typus à lyricis poetis inspiciendus sit tamquam exem-
plar.
- 5 Interesse multū inter inuidere, æmulari, & imitari; Et quid
sit vnumquodq; istorum.
- 6 Dum ab æmulatione Pindari deterremur, ad illius imitatio-
nem inuitamur.
- 7 Iulius cur vocatus, qui esset Iulius.
- 8 Poetæ virtutem primū in rebus, deinde consistere in verbis.
- 9 Torrentes vnde, & qui dicantur.
- 10 Lyricam materiem esse quadruplicem, & quæ, qualesue sin-
gulæ illius partes.
- 11 Dithyrambi qui, & Bacchus cur dithyrambus dictus.
- 12 Idem cur vocatus binater, & cur à M. Tullio duo diuersi
Liberi patres putati.
- 13 Tria spectari in vno quoq; poemate, & quæ sint illa.
- 14 Dithyrambi, cur dicantur audaces.
- 15 Qui fuerint heroes, & vnde sic dicti.
- 16 Qui fuerint Centauri, & vnde sic vocati.
- 17 Poriora nobis esse poetarum munera quàm statuariorum &
cur ita.
- 18 Cur commissæ innicem & æstimatæ poesis & pictura.
- 19 In amatorijs, quod genus carminum sit honestissimum.
- 20 Quot & quæ sint, quæ virgines laudent in suis sponsis.
- 21 Qui sit poetarum lyricorum finis in genere: & quis vniuf-
cuiusq; speciei lyricæ finis particularis.
- 22 Quæ sint efficientes causæ poeseos, & quem inter se ordinem
illæ teneant.
- 23 Cur se apem faciat Flaccus, & cur Matinam dicat, & vnde
vox apud hebræos, quæ apem significat.

Quæ

Quæ sit causa poetices opitulans, & cur poetæ Cynos se
vocitent.

Quæ sint causæ poeseos instrumentales. ✓ I

Quæ sit vera forma, & quasi animus poeseos.

Quis Deo similimus; dicendus sit in terris.

Quid in nos habere iuris fata, & quid boni diui dicantur.

Qui sint boni Dij.

Triumphæ lætitia, & in re & in tempore & in loco; atque hic
bisariam quomodo cernatur.

Et thuris & libaminis vnde voces deductæ; & cur thus in
rebus sacris;

Iuuenescere quid sit, & vnde nomina cum vituli, tū iuenci.

Imaginem cornutæ lunæ non in cornibus vituli, sed in ma-
cula constare, quæ esset in fronte.

Imitationem rerum differre ab imitatione artificum, & vtra-
que a nobis quomodo tractanda sit.

Duorum locorum diuersa lectio non contemnenda.

Vt sit hæc Ode Teres ac rotunda; principiumq; quo pacto
mirè compliceretur cum fine.



A HVGOLINI MARTELLI
EPISCOPI GLANDATEN.

Commentatio

IN ODEM HORATII

SECUNDAM LIBRI QVARTI

SCOPVS ODES.

B Triumphi Sicambrici descriptionem
adumbrans, cum aliqua laude Ant. Iu-
lij: facultatis lyricæ docet artem subti-
lissime atq; eruditissime.

AD ANTONIVM IVLIVM.

" *Pindarum quisquis studet emulari*

" *ſule, Ceras ope Dadalæa*

" *Nititur pennis, vitreo daturus*

" *Nomina ponto.*

C ARGVMENTVM HVIVS ODES.



T Pictor nobilis, qui humani potissi-
mum repræsentandi oris artem profitea-
tur, in dilectæ coniugis specie pingens
da, neq; pigmentis parceret ullis, neq;
pennicillis. Et ut orbis terrarum des-
criptor diligens, atq; elegans, ubi ad
regionis paternæ fines perveniat, ibi se quam maxime
curiosum, & politum scribendo probare adniteretur;
Ita lyricus poeta Flaccus noster poetices partem, quam

A *lyra*

lyra tractat, lineamentis poeticis hac ode describens, nobilissimæ, ac præstantissimæ artis suæ colores omnes, le-

A.

nociniaq; omnia studiose huc accersisse putandus est. Neq; immerito sane cantionum omnium quas fecerit, cantionem istam arti nobilissimæ, elaboratissimam, splendidissimamq; præstauit. Ergo lyricam artem hoc loco lyricis numeris depingit ingeniosissimus, suauissimûsq; poeta; atq; ita depingit, vt nullus neq; rethor, neq; philosophus explicare illam planius, vel docere subtilius possit. Quod sæpe autem alias monuimus, hic rursus repetitum, & diligenter obseruatum esse cuperem; Horatio nostro familiare esse, dum aliud in speciem verbis dicit, aliud in retessu longe maius nobiliusq; cogitatione concipere. Victoriâ Augusti de Sicambriis cum aliqua laude Antonij Iulij, cumq; Pindari græci poetæ singulari elogio celebrare, tatum hic videtur in vulgus: Verumtamen dum id facit, miro, ac propemodum incredibili artificio, vnâ versâ facultatis lyricæ vim, doctis & cordatis hominibus explanat. Sed quid affert, de poematis huius suauissimi genere, & quæ nam id methodo pertractat? Nimirum docet apertissime cuncta, quæ naturam eius patefaciunt, & ita docet, vt via & ratione præstantiore vlla demonstrari nequeant. Præcipiendarum rerum quarumuis ea solet esse via trita & lata, quæ singulæ causæ peruestigantur, & enodantur: nam cognitis causis, ea, quæ de causis manant, non possunt esse non apertissima. Causas philosophi Platonici, sex omnino adnumerarunt: Nam præter quatuor illas potissimas, finalem, efficientem, materialem, & formalem, addidisse placuit etiam instrumentalem, & exemplarem; quarum tamen, vt peripatetici tradunt, hæc ad finem, illa reducitur ad efficientiam. His ergo omnibus vtiliter perceptis, rei ipsius naturam, quæ ab istis dependet, omnino patefactam esse necesse est. Nam si cuius gratia fiat vnaqueq; res, & qui sit optimus typus eius cognoscatur, si à quo fiat, & quæ ex re fiat, quibusq; instrumentis fiat intelligatur, si præstantia,

B.

C.

Astantia formę ipsius, per quam verissime sit, quicquid illa sit comprehendatur, non est cur inquirere de illa, vel scire quicquam præterea desideremus. Agè modo ecquę sunt lyricę poeseos causę, dicamus; vt singulis apertis causis, quid ipsa sit, & quomodo paretur addiscatur. Agè fodes, rursus, inter illa sex causarum genera, quę dicebamus, ecquis ordo tenendus sit, obseruemus; vt suauissimo lepōri carminis, quantum vtilis doctrine, ac sapientię miscuerit poeta mirificus, admitemur. Finis plane reliquarum causarum quasi pater est, & origo; in hunc apud prime intendenda mentis acies nostra est. Finis, qui sit poeseos in genere, neq; nos modo quęrimus, & latere potest neminem; nam prodesse volunt, vel delectare poëtę, aut simul; & iucunda, & idonea dicere vitę. Sed quis poeseos lyricę finis sit in specie, id sanè cum studiose perquirimus modo; tum deprehendi vix posse ducimus, nisi peculiari eius materia tractata, & explicata. Materia facultatis lyricę non potest explicari commode, nisi constituta Idęa, in quam, tamquam in exemplar perfectissimum, absolutissimumq; à lyrico fictore respiciatur. Ergo Idęa lyrica primùm omnium statuenda, secundo loco materies conquirenda nobis erit: Hinc statim tertio loco, qui verus sit, & particularis finis poeseos melicę constabit. Jam & fine, & exemplo, & materia ad ædes extruendas comparatis quid amabo restat; præterquam & fabros, & architectos accire? Ergo quarto loco efficiētes causę noscendę fuerint. Et quoniam vel artifex, vel operarius sine aptis instrumentis manum operi admoventi nequaquam potest; suntq; præterea aliqua, sine quibus oportunè nauare operam haud quimus; statim, & iunctim quinto loco, & sexto, cum lyricę artis instrumenta subministrantur, tum causę adiuuantes non subiciuntur. Tandem & vltimo loco emergit forma ipsa, opusq; perfectum extat. Hęc omnia, & nonnulla præterea multum vtilia, & suo quęq; singula loco, quem indicauimus, tradit nunc Flaccus de lyrica poesi. Quis id cre-

dāt? Quis, poetam, philosophi partes agere tam bellè
 vidit vnquam? Aut quis, artificio singulari detecto, de
 his omnibus certior factus, non hominis admirabilem ac
 pene diuinam mentem admiretur? Haberi nullam hic
 verbis meis fidem postulo; tantum expectare apertissime
 huius Horatianæ sententiæ, precor lectorem æquum,
 explicationem nostram ad sua loca; tunc etenim, quæ
 diximus planissima omnia, & compertissima doctis, &
 ingeniosis fore nō dissido. Sed quid vetat nunc loco præ-
 ludij, quam breuissime totam huius admirabilis ac penè
 incredibilis doctrinæ formam adumbrare? En iuuenes,
 En bonarum litterarum studiosi atq; eruditi iuuenes,
 vultis edoceri melicam artem à melicorū omnium mel-
 litissimo vate & doctore? Diligenter animaduerte,
 quæ in hac ode Flaccus vobis claudat, & recludat. Im-
 primis exemplar, inquit, vobis ad imitandum constitui-
 te præstantissimum. Pictores non ne opera prius
 intuentur? rustici non ne probatam experimento
 culturam in exemplum reuocant? & vos rectore aliquo,
 mihi credite, ac duce laboris vestri, qui futuris vobis sit
 fructuosus, carere non potestis. Ducem autem vllum
 Thebano Pindaro præstantiorem illustrioremq; lyrica stu-
 dia nancisci non possunt. Deinde quadruplicis generis
 materiam scitote vobis esse tractandam; in dithyrambis,
 in hymnis, in epinicijs, in eroticis. Nam quicquid suas
 ues lyræ personant, ad vnum istorum quatuor generum
 sine dubio refertur. Tum (quod primū omnium & ma-
 ximum erat) addiscite hinc, lyricæ poescos finē, in quem
 omnes fides intendantur diligentissime, esse proprium,
 mortales, facere immortales. Re vera cælo Musa beat,
 re vera dignum laude virum Musa vetat mori. Quid
 amplius optare, vel quid petere a Dijs possumus aut ma-
 ius aut melius? Ad hæc non vos fugiat, tria esse, quæ
 nobilissimum studium hoc pariant, & perficiant; Inge-
 nium, artem, exercitationem: Tria etiam esse, quibus
 hæc ars, in suo munere fungendo utatur; Carmen, vo-
 cem,

- A** - cems, lyram. Præterea scitote, neq; inter forenses stre-
pitus, neq; in aulis regum; musas habitare solere; sed
fontes adamare & nemora; Nam solitudine atq; otio
„ rustico poësis adiuuatur plurimum; scriptorum chorus
„ omnis amat nemus, & fugit urbem; & ut ille ait, Carmi-
„ na secessum scribentis, & otia quærunt. Deniq; docti
adolescentes, hoc potissimum memori mente infigitote;
artem poeticam, in imitatione consistere: Imitationem
quasi vitam animumq; sine controversia huius esse su-
cultatis. Imitatio vero quid sit, quomodoq; paretur,
non verbis indicare vobis, atque oratione, consilium est;
sed re ipsa atque facto aperire, ac penè tradere volo.
B Accipite imitationis poeticæ duplex à me exemplum;
alterum triumphi, ut rei totalis; alterum vitulj, ut rei
partialis. Si utrumque horum expresse, quasi tabulam
pictam oculis, cogitatione cernetis; poësim credite vita
sua vegetari, perfectaq; forma insigniri. Quis hic non
videat, & quid sit lyrica poësis, & a quo sit, & de qua ma-
teria sit, & quem ad finem tendat, quemq; ad typum ef-
figatur & instruat? Sed hæc apertiora lucidioraq;
sient in expositione textus.

OCCASIO SCRIBENDÆ

C H VIVS ODES.

XPOSITIS causis per se poeseos melicæ, di-
cenda nobis est occasio tamquam causa per
accidens huius odæ scribendæ; nam fortui-
tas huiusmodi causas in genere, quâdo sunt
innumerabiles, explicare potis non est. Occasionem hu-
ius carminis fingendi, non dubitamus fuisse victoriam
Octauiani Augusti iam partam de Sicambriis intimæ

tunc temporis Germaniæ populis. Cur Chriſtoſo-
 rus Landinus, vir cum doctus, tum minime negligens,
 hosce pro Cantabris posuerit, & populos esse in Hispa-
 nia affirmauerit, sanè miror. Hos populos narrant, vla-
 tra Albim fluuium submotos, & in Gallijs postea secus
 Rhenû habitare coactos esse, hodie quos Gheldrenses, et
 Cleuêses vocamus. Nam lætissimo nuntio Româ perlas-
 to, cû omnes Cæsarem propediem ad urbē, vt triumphû
 duceret de tā bellicosa ferociq; natione subacta speraret
 expectarentq; ; Horatius in Augusti laudem hoc Epi-
 cūm meditatus est. Quem etsi non ipsum, sed per lega-
 tos hoc bellum administrasse credamus; tamen quia suo
 iussu, suis auspicijs, suis consilijs, ipso deniq; in fines vsq;
 Italix, Aquileiam fortasse, vel Mediolanum vti solebat,
 profecto; quo tempestiuus pro rei bellicæ oportunita-
 te, quæ opus erant omnia, largiusq; suppeditarentur, ge-
 sta, & confecta fuerunt, triumphare solum, & tamquam
 imperatorem; & victorem laudari, & celebrari dece-
 bat. Quoniam vero de eadem fidelia duos aliquando
 parietes dealbare non denegatur; dum Sicambricam vi-
 ctoriam cantat, Antoniû Iulium summo quoq; hono-
 re afficit, in cuius gratiam hæc scripsisse videri vult.
 Fuit hic Antonius, M. Antonij triumuiui filius, vt in
 ter omnes constat; quamuis de matre, Fulvia nē, an
 Octauia, vti dicunt, Augusti sorore, & eiusdem M. An-
 tonij aliquando uxore, non omnino liquet. Ab Octa-
 uia certe, a qua Iulij etiam cognomentum accepit

se videtur in summa gratia apud fratrem positum
 -illegimus; fuisse autem illum optimarum ar-
 -tium studijs imbutum; neq; medio-
 -crem etiam poetam; ex hoc
 -ipso carmine licet
 -colligere.

A.

EXPLICATIO ODES.

” *Pindarum quisquis studet æmulari*” *Jule, Ceratis ope Dadalæa*” *Niitur penmis, vitreo daturus*” *Nomina ponto.*

BI

VIA poetæ propositum erat in hoc carmine, poësis lyricæ artem, lyrica suavitate demonstrare; poetæ autem factores, & fictores quidam perhibentur, & sunt: fictores autem prototypum aliquem, sibi statuere so-

lent ante oculos, in quem artis suæ nervos intendant; ante omnia typum atque exemplar, ad quod poetæ melici colliment hoc loco proponere nobis Flaccus instituit. Exemplar autem nullum aliud parari posse præstantius Thebano Pindaro contendit. Et sane mirabile est; quo pacto poetæ non vulgares, dum unum in vulgus proponunt, aliud secum erudita aliqua intelligentia meditentur. Hinc etenim Horatius, dum Ideam lyricam nobis demonstrat, ea dicit; quibus viri docti locum hunc interpretantes, poetæ mentem asserunt fuisse, Pindarum imitari periculosum esse; verum neque hoc Flaccus dixit, neque si verbis dixisset, id omnino mente intellexisset. Et quomodo, sodes, prohibuisset, quod necessarium est factum, ac summo opere poetis conducibile? Aemulatio, me hercle, longe distat ab imitatione; & imitari multum differt ab æmulari. Quis ignoras, utinam videre, sit inhære bonis alienis, ita ut ægre nobis sit, ea possideri ab alio, siue illa bona nobis accedant, siue non accedant; ita æmulari esse bonis alienis inhære, ita ut cum aliqua acerbitate animi maiora bona nobis accrescant, siue aliis priuatur, siue non priuatur: imitari vero esse,

esse, sine vlla acerbitate animi, imo cum aliqua bono-
 rum dilectione & admiratione & obseruatione ita inhi-
 re bonis alienis, vt nobis quidem illa studeamus adijci,
 6 ab alijs verò nullo modo cogitemus detrahi? Ergo Pin-
 darum imitari .i. illius vestigia sequi, in illum, tamquam
 in exemplar intueri, similem se illi velle fieri quam ma-
 xime, ad virtutes & laudes illius quam proximè dare o-
 peram vt appropinquemus sine vlla acerbitate animi,
 imo cum admiratione & obseruatione bonorum illius,
 & laudabile profectò est, & in hoc poetico studio perne-
 cessarium. Contra verò, si temeritate quadam, si cupi-
 ditate arroganti speraremus posse nostro vel ingenio
 vel labore Pindaricos fontes superare, hoc est, meliores
 & præstantiores versus facere, quam Pindarus fecerit; sa-
 nè audacia hæc existimationi nostræ periculum, & per-
 niciem certissimam crearet. Hoc imitationis & æmula-
 tionis discrimen non clam fuit virum doctum; latinita-
 11 tis auctorem non contemnendum; Habebam inquit il-
 11 los in manibus non vt æmulator, (improbum .n. ac penè
 11 furiosum esset) sed vt imitarer ac sequerer. Ergo non
 ab imitatione Pindari, sed ab æmulatione deterret nos
 Flaccus. Et sanè Quintiliani vel etià Macrobij aucto-
 ritate, defendere se optime potest, qui hoc loco Pinda-
 rum inimitabilem esse dicat; vt M. Antonius Muretus
 vir eloquentissimus & politissimus in liminari Odè ap-
 posuit; sed Pindarum imitari periculosum esse dicere, vt
 Dionysius Lambinus & doctus, & vtriusq; linguæ ob-
 seruator diligentissimus inscripsit, qui etià in scholio,
 æmulari hoc loco, valere imitationem affirmauit, quo-
 modo certe defendere valeamus, nō video: Nam M. Fa-
 bius dum dicit Flaccum meritò credidisse Pindarum ne-
 mini esse imitabilem; & Macrobius dum profert Pinda-
 rum a Flacco imitationi inaccessum iudicari; imitationē
 acceperunt sine dubio pro æmulatione: sicut æmulationē
 nētrā contrario non negamus sumi nonnumquam pro
 imitatione virtutis (M. Tullio ipso teste): Quod autem
 e. 110 idem

A

B

C

A idem Lambinus de quarti casus iunctura contendit, quæ semper efficiat, verbum æmulari valere imitationem virtutis, id certe neque perpetuum ubique est apud bonos latinæ linguæ auctores; et, si perpetuum apud bonos scriptores prosa oratione esset, quomodo non ab excellentibus poetis, qui grammaticorum leges de industria sæpenumero transiliunt, parvipendatur?

Pindarum quisquis. Nouem lyricorum longe principem fecit antiquitas Pindarum, spiritus magnificentia, sententijs, figuris. Itaque, quicumque Pindari gloriam in lyricis carminibus pangendis superare nitatur, is nimirum audaciæ ac temeritatis pœnas dabit ad instar Icarî.

B Icarus patris Dædali ingeniosissimi artificis opera, penas cera iunctas infixasque sibi induxit, ut Cretensis regis Minois, aeri sese volatu committens, effugeret custodia. Sed dum altius se, quam à patre præceptum & præmonstratum erat, attollit; vicinitate solis (ut tradunt fabulæ) alarum fulcimento colliquefacto, in mare Creticum decidit, nomenque suo casu & calamitate indidit mari; nam Icarus Icarias nomine fecit aquas.

Iule. Iule autem pro Iuli; antiquissimum cognomen, unde Iuliorum familia, seu generis potius prognata fuerat; reuocans & illustrans. Nam, Iulius a magno demissum

C nomen Iulo; ut poeta cecinit; & T. Liuius narrat Iuliam gentem, Iulum auctore sui nominis nuncupasse. Satisque mirari non possum, cur istius vocis decepti, Antonium Iulum, & non potius Iulium scripserint interpretes; cum neque familiam Iulam fuisse vllam Romæ cõstet, & huc, ut a nouerca siue matrè positum in Augusti gratiam legimus, ita ab eadem in Iuliam familiam ascitum, facillime coniectare possumus.

Vitreum autem vocat mare, quod aquas habeat pellucidas; & ut Lucretius ait, serenas perspicuasque. Nil n. vitro est pellucidius: esse vero *θαλατταν διδοτι καθατεραν*, *φωτιμον παχυτεραν ολβον* philosophi non dubitarunt,

& experientia nos docet. Artificiose itaq; Flaccus, dum ab æmulatione tanti poetæ, modestos poeticæ facultatis studiosos deterret, ad illius imitationem inuitat. Cur autem imitandus sit Pindarus, & cur illius carmina tamquam exemplum melicæ poeseos ad imitandum nobis proponenda sint, subiungit.

„ *Monte decurrens velut amnis, imbres*
 „ *Quem super notas aluere ripas*
 „ *Seruet, immensusq; ruit profundo*
 „ *Pindarus ore.*

PINDARI granditatem, copiam, vehementiam, magnificentiamq; laudat & admiratur. Et quoniam duæ sunt res potissimum, quæ poeticarum scriptionum granditatem efficiunt, res & verba; in utroq; horum Pindarum dicit esse amplum, vehementem & copiosum; proptereaq; torrenti illum confert, qui repentinis & cõfertis imbribus impetuosè pleno ac superabundanti aluço decurrat. Ad hunc locum respexisse Quintilianus videtur, dum beatissimam rerum verborumq; copiam in Pindaro admiratur, & velut quoddam eloquentiæ flumen, illum celebrat. Torrentem autem intelligi, non placidum flumen, cum verba illa, *monte decurrens*, tum illud, *seruet*, significant: nam de propinquo monte riuus, pluuia copiosa ingruente, non possunt non fieri torrentes; & torrentis vox, cû à verbo torreri deducatur, quod idem in arido est, atq; seruere deprehendatur in calore humido, sat nobis apertum facit, dum seruere amnem dixit, torrentem illum esse significare: Quamquam si propius adhuc spectare libeat seruendi vocem, quatenus referatur ad illud *ruit*, quod sequitur, maior sublimiorque loci huius intelligentia reuelabitur. Nam vi seruator in re ipsa tantum, quæ seruet intelligitur; ita riuus co-

A gitari non potest, nisi ad aliud ruendo allidat atque procumbat. Sic ex illis duabus rebus, quæ spectandæ cum primis sunt, in omni dictione vel oratoria vel poetica; res, & verba; cum res, hoc est, conceptus, quos de rebus formamus in nobis maneat; siquidem ampli sint, magnifici, vehemētes; meritò seruere oratio nostra dicetur: verba autem cum ad alios proferantur exterius, si vehementia sint, & sæcunditate copiàq; sua, hominum aures & mentes violenter impellant, iure, *profundo ore* ruere dici possunt.

Ergo Pindarus *χρμα ῥῆτο ποταμῷ ἵκελος* est, quem lar gi imbres aluerint .i. exuberare fecerint extra alueum, superq; ripas consuetas, quas vocat *notas*: Nam quæ consueta sunt, nota nobis esse necesse est. Et hæc omnia pertinent huc vsque *πρὸς τὴν διάνοιαν*. Quæ sequuntur *πρὸς τὴν λέξιν*, cum subdit, *immensusq; ruit profundo Pindarus ore*.

Quod si inter formas dicendi, M. Fabio teste, figurarū omnium præstantissima illa dicenda est, quæ similitudinē & translationem & allegoriam simul includit: hic mediū fidius, quaternarij præsentis circuitus, pulcherrimus floridissimūq; sit, necesse est; in quo triplex poeticarum ditiarū thesaurus recondatur. Nam, *velut*, similitudinem arguit; *alere, seruere, ruere* metaphoras produnt; *amnis, seruens, & ruens*, allegoriā demonstrat; quæ *seruore* quidē sententiarum grauitatem, *ruina* autem strepitum impetumque verborum significat.

„ *Laurea donandus Apollinari,*
 „ *Seu per audaces noua dithyrambos*
 „ *Verba deuoluit, numerisq; fertur*
 „ *Lege solutis.*

DESIGNATA nobis lyricæ poeseos causa exemplis

ri, typoq; in quem artifex intendat, proposito, ad materiam expediendam se se accingit poeta. Vbi, n. apud architectos de tota domus effigie & compositione constitutum fuerit; tunc de lapidibus, de cæmentis, de lignis atq; tignis, deq; reliqua materie cogitandum est. Materiam lyricam proponit hoc loco Flaccus quadruplicem, quotuplicem in epistola ad Pisones disertè explicuit.

- » Musa dedit fidibus diuos puerosq; Deorum
- » Et pugilem victorem, & equum certamine primum
- » Et iuuenum curas, & libera vina referre.

Nec verò aliud serè tractat melicus, præterquã vel Deorum, Heroumque laudes in hymnis; vel agonistarum victorumq; palmas ac triumphos, quales in ijs carminibus, quæ de Pindari poematibus nobis supersunt, adhuc vidère est: vel affectus amoris, vt Anacreontis lusus, & Sapphonis cupidines in quibusdam fragmentis testantur, vel in morem bacchantium lætos ac temulentos furore quodam pèrcitos dithyrambos. Hæc postrema facultatis lyricæ pars, nunc ab Horatio collocatur in primo loco; nec sanè immerito; cum ea sit, quæ finem huius artis præcipuum attingat propius, vt paulo post explicabitur: vnde de facultas vniuersa lyrica, priuato nomine ad cõmunitatem assumpto, a magno totius philosophiæ magistro dithyrambica vocata fuisse credatur.

Laurea donandus Apollinari. Lyricis vatibus longe præstare Pindarum in quouis quadruplicis huius generis poemate affirmat; ita vt nullus, vel ipsius Apollinis musarum patris ac moderatoris iudicio, coronam ex lauri folijs, quam lauream, adiacente pro substrato sumpto, vocat, prius digniusq; sit vñquam meritis. Sic enim & in illo vulgato M. Tullij elogio accipitur. Cedant arma togæ, concedat laurea linguæ. Certasse autem olim poetæ priuatis poematibus publico iudicio subiectis; & in certamine victores, diuersi generis corollis, præcipue vero lauri coronari solitos, notius est, quam hic referri deceat. Laurum quoque, quæ dicitur, græcè nuncupatur,

A patur, in magno pretio fuisse apud Phebū, qui Da-
phnidem nympham adamavit (vnde laurus, Phebēa, si-
ue Apollinea vel Apollinaris vel etiam Delphica iure di-
catur) norunt omnes.

Sineper audaces. Doctissimè atque elegantissimè de-
scribit dithyramborum carminum rationem; ut penè
plus ex hoc vno loco, quæ sit eorum vis & natura intel-
ligatur, quam ex omnibus alijs libris, qui ad nos vel iniu-
ria vel gratia deferentis omnia temporis supersuerint.
Latini quidem, ut M. Tullius testatus est, genus hoc poe-
matis minus tractarunt; græci, qui fuerunt quam pluris-
mi, interierunt omnes. Constat tamen dithyrambos fuisse
genus carminis, quo Bacchus laudaretur, qui Dithy-
B rambus cognominatur. Sed cur Liber pater, Dithyram-
bus dicitur? An quòd in antro Dithyrte educatus sit?
an potius quòd homines faciat loquaces, quasi os patu-
lum habentes *διθυρον*, & biualuum? An quòd *διθύραμ-
βος*, dicatur vice, *λυθράμβος* cognominis Bacchi, pro-
pterea quòd Nymphæ, parturienti Ioui de coxa, accla-
marent, siue, ut alij volunt, Iuppiter ipse, dum infantem
scæmori assutum vocaret, ad aurasq; vitales capessendas
excitaret, sæpe repetita voce compellasset *λύθι φέμμεν*. i.
solue ligaturam? An, quòd verisimilius est, quia Liber
pater bis editus fuit, semel ex Semeles utero, iterum ex
Iouis scæmore, merito *διθύραμβος*, quasi bipostis dictus
sit, quia *ἐκ δὲ τῶν θύραων βέβηκεν*, vel, ut alij dicunt *δὲς θύ-
ρας ἀμείβων*, vel *ἀμειβών*? quamquam apud nostros Ori-
C genem & Eusebium duplex hæc natiuitas, siue duplex
ostij natiui apertio illuc referatur, quòd Dionysius olim
a Titanibus discerptus, a Cerere, tamquam ab altera ma-
tre recoctus & denuo resectus reuixerit; vnde etiam *δι-
μυτῶρ* ab Orphæo, & bimater, iterumq; satus, ab Ouidio
cognominatus sit. Cuius etiā fabulæ cōmentū, vnde sum-
pserit originē, neq; difficile, neq; inutile est ratiocinari.
Apud oēs, n. nationes septentrionales, vinū, vel quo vini-
loco fruatur, ex fugibus ac præsertim hordeo cū floribus

lupi

lupi salictarij decoctis, confit : quam potionem (assuetis
modo,) suauissimam & saluberrimam, Byrram vocant. A
Vnde & cur in Cicero alium Liberum Bacchum fecerit,
a Libero, quem Romani augustè sanctèq; colebant cum
Cerere & Libera : & cur Proserpina Cereris filia diceretur
Libera, intelligere etiam possumus; quamuis non desint
eruditi iurisconsulti qui hanc geminam Bacchi natiuitatem
eò rettulerint, quòd sacerdotem initiatū renasci oporteat,
& quasi, vt antiqui loquuti sūt, recentari. Hinc factum est;
vt genus carminum, quo vini laudes ac vires, Bacchantium
commotæ mentes, licentia atq; insolentia Euiadum Menadumq;
deniq; quicquid in cultum Dionysij decantatur, Dithyrambi
vocati fuerint. Fuisse autem apud veteres huius Dei religionem
mirificam, & (vt loquamur verius) superstitionem insanam,
demonisque illusionem funestam & scelestam, quæ multis ac
miris ceremonijs excoleretur; quiq; in ea initiati forent,
& enormibus quibusdam, furibundis propè mysterijs additi, atque
ad eo *νυμφόλῳ* (vt Plato loquitur in Phædro de Dithyrambis)
surentium & insanientium more saltantes & vociferantes
solemni pompa incedere, vel potius de bacchari solitos
fuisse, notius certè est, quam a nobis hoc loco repeti longius
deceat. Omnino Bacchanalia, summa celebrabantur insania,
vt testatur Diuus Augustinus; qui etiam testimonio Varronis
dicit, ea non potuisse fieri a Bacchantibus, nisi mente
commota. B

13 Vt autem aliquantò melius, quæ ratio Dithyramborum
fuerit, quidq; hic a Flacco de illis dicatur, intelligi possit;
sciendum est; tria esse, quæ in quolibet poematis genere
priuatim spectanda sunt, vt ab alio congenere distinguatur.
Vnum est *διάνοια*, quæ quasi materies est, de qua tractatur.
Alterum est *λέξις*, qua exterius, tamquam instrumento,
sententiam illam sermone ac dictione declaramus.
Hæc superius vocabamus res & verba, nostrum hunc imitati;
Verbaq; prouisam rem non inuita sequentur. Tertium est numerus, siue ratio carminis,
C

- A** minis; quo tamquam aliquo medicamento, & sententiâ & dictione, lucamus coloramusq; . Nam cū poësis sit imitatio, quę oratione sit edulcata; imitatio quidē cernitur in sententiâ; oratio autē cōficitur verbis; dulcitusdo sētiur ex rythmo modōue carminis, astrictiōne pedū inter se per syllabas rōplicatorū . Hæc tria singillatim nūc Horatius, & qđ magis amabile atq; admirabile est, suo quæq; ordine ponit; vt omnem dithyramborū naturā intellectuā & quasi depictā ante oculos teneamus. Nam quo ad Dianocēam siue conceptus licentiæ plenos, quos imitantur poëtæ dithyrambici, vocat illos *audaces*; debacchantium .n. & temulentorum hominum sensus mentis, qui, quod Deo pleni sunt; atq; *ἐνθουσιασµῶ* pērciti, non possunt non esse audaciores. Quanta .n. sit Bacchi vis, quantumq; in humanis præcordijs vini modus immodicus possit, præferunt. Quo autem ad genus dictionis; quia dictio, quæ sequitur semper naturam conceptionis, nec triualis, nec vulgaris in hominibus furore quodam diuino concitatis, esse potest; dicit *nona verba*; vnde Aristoteles verba composita, dithyrambicis apta multum, vt linguas Epicis accomodatas esse, affirmavit; qualia serē vocat alibi noster poeta verba sexquipedalia. Quo autem ad numeros; quos auctore Quintiliano, aliquando etiam rythmos vocamus (quod tertium erat in re poetica considerandum) dicit esse, *lege solutos*. i. non admodum adstrictos, sed liberos & incertos pro libidine auctoris, quod etiam scolijs & pœanibus concedebatur; vt meritō M. Tullius dithyrambos vocarit licentiores & ditiores; siue ille, carmen aliquod, siue, quo incēdunt carmina, pedem hoc nomine significarit. Et sanē lymphatos homines Liberi patris spiritu correptos, nec sui iam compotes, vt audaces nimium cogitationes, & planē temerarias habēt in mente, & verba proferunt ore insolentia, noua atque inusitata; sic legem carminis congruebat habere liberiores licentioresq;. Neque me clam tamen est; clarissimum hominem Iulium Scaligerū, & qui me longe ma-

gis mouère potest Petrum Victorium doctrinæ exquisitissimæ ac iudicij purgatissimi virum, dithyramborum audaciam, quam hoc loco notauit Flaccus, retulisse ad istam carminis licentiam, numerorū incertitudinem, certorumq; pedum negligentiam. Sed si per virum hunc humanissimum ac modestissimum mihi liceat, a cuius opinione discedere, bonarum litterarum studio, fas esse puto nemini; multò libentius distinctionem nostram tueamur, & ad materiam, quam tractant, audaciæ plenâ, cogitationesq; animi, quas meditantur temulentiores, non ad numerum liberiores referamus. Primum, quòd Flaccus in exprimenda dithyramborum imagine, primam & potissimam partem, quæ materiem, genusq; imitationis attingit, prætermisisset: deindè quòd cum diserte dicat *ferri numeris lege solutis*, non erat necesse, audaces etiam illos vocare, quod hoc ipsum liquidò valeat. Demum quòd libertas carminis, quomodo vocari possit audacia, cum legitimum sit in dithyrambo negligere re legem, non sat bene dispicio. Nam quòd Franciscus Robertellus clarus in litteris græcis & latinis, audaciam dithyramborum refert ad innouationem verborum, quæ libenter vrantur id poetarum genus, probare certè nullo modo possum; doctrinæ enim ac diligentie Horatianæ, minus id conuenire videtur. Si *audaces* valet nouitatem verborum, cur statim apponit, *noua verba deuoluit*? ita ne verborum prodigum agnoscit vir doctus poetam attentissimum, laboriosissimum, industriossimum? Singulæ voces habent in hoc diuino vate singulares intelligentiones. Sententiam nostram adiuuant verba Senecæ, qui dicit. Non ob licentiam linguæ dictus est Liber pater, inuentor vini, sed quia liberat seruitio curarum animos, asserit vegetatq; & audaciores in omnes, conatus facit. Hinc author ipse noster Liberum vocat Audacem; Prælijs Audax neque te Silebo Liber. Dum verò *deuoluit* induxit; quis non videt, superiorem torrentis imaginem atq; metaphoram virgè? Turgidiora flumina,

A » mina (vt alibi canit) adefos lapides stirpesq; raptas, &
 » pecus, & domos volutant vnâ, non sine montium clâ
 » more, vicinâq; siluâ.

» *Seu Deos regesq; canis Deorum*
 » *Sanguinem; per quos cecidere iusta*
 » *Morte Centauri; cecidit tremenda*
 » *Flamma (chimera).*

A D alterum genus lyricæ poeseos accedit, in quo ca
 nuntur Dij atque heroes hymnis, pæanibusq;. Nam &
 B si pæan Apollinis laudes complectatur proprie; ad alio
 rum tamen quoque diuorum celebrationem patet, he
 roûmq;, quales Hercules, Theseus, Bellorophon alijq;
 quam plurimi extiterunt? Hos vocat hoc loco *Sanguis*
nem Deorum, vt in epistola ad Pisones vocauit filios Deo
 rum. Qui autem sint heroes in vniuersum declarat, cum
 reges illos nominat, hoc est, qui rerum potiuntur, qui a
 lios regunt, populisq; dominantur. Sed num omnes
 viri potentes, qui habent imperium in homines, heroes
 dicendi sunt? Minimè verò; sed ij tantum, qui Deorum
 ex sanguine sunt: verumtamen qui nam hi sunt? qui vè
 Deorum filij recte dici possunt? Sanè qui propria virtu
 te, quæ ex Deo est, genus ducere de cælestibus sedibus,
 C comprobauerunt. Sed num, qualibet virtute præditi ho
 mines, heroes dicuntur, & tamquam semidei honoran
 di & celebrandi sunt? Haud rectè: verum illi mortales
 tantummodo diuorû loco habendi, qui cò virtutis sunt
 progressi, vt de hominum genere benemererentur. Er
 go heroes illi verè dicuntur, qui facinore aliquo præcla
 ro edito, reip. salutem vel emolumentum eximium at
 tulerint: vnde & heroes dicti, quasi *ægens*; quia vt li
 cet existimare, de patria deq; republica benemereri nul
 lus potest, qui non vitæ prodigus suæ, longè plus alios,

quàm se ipsum amarit. Huiusmodi fuerunt olim apud antiquissimos græcorum cum Theseus tùm Bellorophon, ut hoc loco innuit Flaccus: ille in terra Attica, latrones, qui passim populabantur, agebant, ferebantq; omnia, vel iusto supplicio affecit, vel in alienas terras procul abegit; (Centauros enim vocis ethymo ductus, latrones interpretor, qui boues a misellis agricolis abactos centris, quò vellent compungeret compellerentq;. Creditos autem anteriori quidem parte homines, posteriore vero equos propterea putarem, quia latrones nullo certo loco consistentes, hodie in hac regione appareant, cras velocissime quasi equi in aliam longissime distantem regionem sese proripiant) Bellorophon autem in Lycia montanos quosdam late tractus, qui capreæ nomine, quâ græci chimæram dicunt, vocarentur, vel in amissis conualibus propter serpentes, vel in editioribus locis propter leones, inaccessos, & ubiq; propter ardentes ignis flammæ euòmitas, inutiles & insalubres, ad vsum hominum proficuaq; culturam incolarum redègit.

*Suæ quos Elea domum reducit,
 Palma cælestis, pugilem hæc equum hæc
 Dicit, & centum potiore signis
 Munere donat.*

IA M ad tertiam melicæ poeseos partem descendit; ea est, quæ præclarissimorum hominum laudes, victorias, triumphos celebrat, epinicia, encomia cantat. Et quoniam inter græcos, ut Cic. tradit, olympionicem esse iudicabatur, prope gloriosius, quàm Romæ triumphasse: Per olympiacas palmas, significat victorias quascumque quatuor illorum certaminum celebratissimorum, vel ex tetraſtico notissimo olympicorum, Pythiorum,

Isthmi-

A Isthmicorum, Nameorum; imo & per ludos, quatuor gloriosas quascumq; imperatorum, ducum, victorumq; triumphales laudes intelligit. *Palmam autem Eleam*, vocat, in olympicis ludis declarari victorem; quoniam Olympia ciuitas fuit in Elide regione metropolis, siue illa Peloponesi antiquissima Pisa esset, siue minus, a qua regione Eliades equas & Eleum campum Virgilius, & hoc loco Eleam palmam .i. olympicam Horatius denominarunt.

Domum reducit palma cœlestis. Apollinea quoq; laurea donandus est Pindarus; interq; melicos poetas principem locum obtinet, in tertio lyricorum poematum genere; in quo victores olympici, laudibus ad astra tolluntur, quos victores Elea palma reducit domum cœlestis .i. quos agonistica victoria, cum maxima atque immortali gloria in patriam reuehit nobiles & præclaros, quasi beatitudinem, quam in cœlis tantum veram atq; perennem consequimur, adepti essent in terris; quam sententiam alibi expressit; palmaq; nobilis terrarum dominos euehit ad Deos.

Pugilem; equumue dicit. Et si plurima essent, diuersaque certamina sacra, quæ in ludis græcorum publicis certarentur; lucta, pancration, pugilatus, cursus, iaculatus, discus, quadrigæ, & alia id genus; tamen per pugilatum & curule certamen, reliqua omnia nobis intellecta esse voluit; quomodo etiam in loco iam tertium nobis adducto; Et pugilem victorem & equum certamine primum; rursusq; faciet paulò post in ode sequenti. Illum non labor isthmicus clarabit pugilem, non equus impiger curru ducet aethaico victorem. Iungenda autem hæc duo sunt, nisi fallor, cum superiori sententia, neque distinguenda villo modo ab illa. Nam quos Elea palma reducit domum penè diuos effectos, hi sunt, qui vel pugilatu vel quadrigatu victores declarantur.

Et centum potiore signis munere donat. Iure Flaccus, cum hac ode nobilissimam artem suam demonstrandam su-

17 sceperit, laudare etiam illam voluit, & quantæ dignitatis atque vtilitatis esset declarare. Nam, vtille inquit, honos alit artes, omnesq; tunc vehementius accenduntur ad studia, quando dignitatem & pretium esse maximum in illis perdiderunt. Si maximi facimus, senatus populiq; decreto statuis erectis, nominiq; nostro dicatis honestari; cantio autem vna eximij vatis alicuius longè plus nomen honestat nostrum, quam omnes statux omniaq; signa, quæ vultum, titulosque nostros præstarent; nulli dubium esse potest, quin ars melica longè pluris facienda sit, multoq; sit præclarius excellentem poetam amicū nancisci, qui nomen nostrū immortalitati consecreret, quàm statuarium habere quantum vis nobilissimum, qui etiam populi iussu nosingat vel ex ære conflato, vel ex marmore exciso.

Cur autem poetica munera pluris pendenda sint, quæ omnia decreta de signis in foro nobis statuendis, vel ipsæmet statux æneæ siue marmoreæ nobis erectæ, triplici ratione probari potest. Prima; Poetarum carmina latius patent; cum per vniuersum terrarum orbem volitent; statux autem perpetuo stant in sua vnica basi; vt Pandarus met hanc rationem indicans, vocauit illas *ἐν ἑνὶ πόντῳ ἑστηκυῖαι*. Altera est; Versus poetarum diuturniores sunt. Nam & ipse de se verissime dixit; *Ἐξέγῃ monumentum ἄρεα perennius*; statux autem, vt ait, Cicero, intereunt tempestate, vi, vetustate. Tertia;

18 Longe melius explicantur præclara facinora carminibus, quasi viuentibus spirantibus loquentibusq; imaginibus, quàm ipsis imaginibus omnino mortuis & mutis: quis enim ignorat, vt pictura, poësis quædam muta est; ita poësim esse picturam loquacem & viuentem?

Summo autem atque admirabili consilio hic videre licet, fuisse interpositam dissimilitudinem inter pretium carminum & signorum; vt similitudinem, quæ maxima intercedit inter poësim & picturam, melius animaduertemus; ex qua animaduersione diligentior

- A re, poetices facultatis indoles ac vis apertius innotesceret nobis. Et sane quid sit poësis, quomodoque tota, quanta quanta est, in imitatione consistat, quidq; sit ipsa imitatio, nulla ratione liquidius intelligere possumus, quàm exemplo & cogitatione picturæ: nam omnino ut pictura, poësis est.

*Flebili sponse, iuuenem raptum,
Plorat, & vires animumq;, mores-
Que aureos educit in astra, nigro-
Que inuidet Orco.*

B

QUARTUM genus lyricarum cantionum erant amatorum; quæ cum in variis ac diuersas formas dissecantur, Flaccus illam elègit, quæ omnium honestissima castissimaq; censeretur; ex qua reliqua amantium suspiria, vel deliria intelligi possent: Quid enim honestius, quàm defunctorum amicorum manes, piamq; memoriam honestare? quid verò castius, quàm sese coniuges amare inuicem, & animi dotes perpetui potius dilexisse, quàm corporis omnino caduci? Et ni falsus animi sum; in hac parte noster Flaccus, etsi de Pindaro videatur institutum sermonem producere; ad Sapphonem tamen oculum adiecit: quam præclari ingenij & egregij animi viraginem scimus carmina eo vsque suaui condidisse, ut musa decima non immerito iudicaretur. Neque moueat quemquam, precor, quòd sponsam illam, quasi virginem nominarit; cum ab antiquis veluti non satis pudica notata & insimulata fuerit; nam poetarum est, non quæ sunt, vel uti fiunt; sed quæ esse deceat, quomodoq; fieri oporteat, decantare: cum Sapphone certè longè melius præclariusq; actum fuisset, si castam se, tamquam vere musam præstisisset, quàm, si pudicitie candorem musicis lenocinijs insulcasset.

19

Ergò

Ergo lyricus poeta quartò loco amores, vel, vt alibi dicit, iuuenum curas, decantat. Inter amores iuueniles, illi potissimum castissime, & sine vlla lubrica libidinis suspitione canuntur, qui desiderium amati capitis immatura morte perempti exprimunt. Quod sine multa laude, virtutumque illius celebri memoria profectò non fit. At defunctorum memoriam colere, & quasi carmine illis parentare, valde pium est: ardere vero cupiditate (face iam extincta) puritatem atque integritatem amoris commonstrat.

Flebilis sponsa. Primas etiam tenere Pindarum inquit, si deploret iuuenem raptum, quasi fato immaturo sublatum de sinu sponsæ *Flebilis*, idest quæ misere flendo alios ad fletum inducat; cuiusq; vicem omnes miserabiliter dolcant fleantq;. *Et educit in astra*, idest laudat, laudandoq; immortales reddit; & sic a morte secunda obliuioneq; perpetua vindicat, quod est, nigro inuidere orco, prædicando, scilicet, *vires animumq;*, & mores illius amabiles. Tria enim sunt, quæ puellæ suspiciant amantq; in sponsis suis; Robur corporis; has vocat, *vires*: Fortitudinem animi; hunc dicit *animum*: Comitatem, humanitatem, moderationemq; vitæ in familiari consuetudine: Hi *mores aurei*, sunt: Reliquas virtutes ac dotes animi, vel in iuuenibus non dum multum expetuntur; vcl a puellis, reliqua; turba vulgari non admodum agnoscuntur. Hic, antequam progrediamur, duo nobis obseruanda diligenter occurrunt, quæ lucem ingentem rebus, quas tractamus, afferre possunt. Primum, quòd ex hac partium lyricarum distributione, (prout a Flacco verbis explicatur) quis sit lyricæ poeseos finis, facile venari possumus; quem finem, etsi non promulgauit expressisse, ita tamen non obscure insinuauit, vt illi tantum non cernant, qui aperire oculos in luce meridiana negligant. Cum dithyrambi non aliam ob causam decantentur, quàm vt homines, sacris Dionysiacis commoti, diuino numine, atque à deo Deo ipso repleantur. Cum
hymni

- A.** hymni in Deos, Deorumq; filios dicantur, vt diuinis illorum virtutibus recensitis, nos ipsos ad eorum imitanda vestigia comparemus, similesq; diuis nos, quatenus homini liceat reddamus. Cum epinicia celebrentur, vt victoriarum laudes, & virtutes ad sydera tollant victores, & (vt Flaccus dicit) *cælestis* illos efficiant. Cum amatoria sint ad hoc instituta, vt aperte declarat hic Horatius, vt mores aurei nobiles atque elegantes educantur ad astra, & a mortis ignorationisq; caligine vindicentur. Quis neget poetas in hunc spectare scopum, vt homines reddant immortales, Dijsq; beatis quàm maxime similes? Ergo finis melici carminis præstantissimus omnino est; quippe qui mortales studeat donare immortalitate.
- B.** Alterum est; quòd admirabilem gradationem, non quidem per ascensum, sed per descensum vidè licet in istis quatuor generibus lyricarum cationum suo ordine dispositis ab Horatio. Nam omnium maximum est afflari numine, Deumque ipsum quasi concipere; quod in sacris Orgijs Bacchi fiebat, dum versus dithyrambici psallebantur. Deinde aliquantò minus, ingens tamen est, hymnis & psalmis ita diuorum virtutem excolere, vt nos heroicas virtutes in nobis conformare adnitamur. Tum verò præclare nobiscum agitur; si humiliore felicitatis gradu, per corporeas virtutes iudicio publico dilaudatas, & comprobatas, ad immortalitatis gloriam perueniamus.
- C.** Id quòd victrices coronæ poetarum potius carminibus, quam præconum gymniconum vocibus impositæ nobis præstant. Denique optabile est, quamuis superioribus impar, opinione virtutis priuatæ celebrari per ora vulgi; id quod amatorum laudibus atque encomijs multi sunt assecuti. Itaq; primi vniuntur Deo; secundi, similes euadunt Deo; tertij, immortalitatem Dei nanciscuntur; Postremi, non quidem immortalitatem Dei, sed celebritatem non multum ab similem ab immortalitate consequuntur.

Mulla

- *Multa Dirceum leuat aura Cycnum*
- *Tendit Antom, quoties in altos*
- *Nubium tractus: Ego apis Matina*
- *More modòq,*
- *Grata carpentis thyma per laborem*
- *Plurimum, circa nemus vuidiq,*
- *Tiburis ripas operosa paruus*
- *Carmina fingo.*

EXEMPLARI ac materiali causis aperte declaratis,
 & finali non temere significata; accedit ad explicandam
 causam efficientē poeseos in genere; quando in hac, poe-
 ticæ facultatis formæ singulæ nullatenus discrepare nos-
 cuntur. Efficientia autem poeseos tria omnino esse cō-
 spicimus; ingenium, artem, exercitationem. Nam & stu-
 dium sine diuite vena, hoc est, doctrina sine natura, vt au-
 ctor noster alibi docet, parum promouet: & fecunditas
 naturæ, sine doctrinæ seminibus sterile scit; veraq; autem
 horum sine vsus vomere inculta & neglecta iacērent.
 In exercitatione namq; , non modo sine dubio multum,
 (vt testatur M. Fabius) sed potissimū est, vt idem refert,
 discendi & artem sibi parandi genus. Insit ergo nobis
 poeticam lauream meditantibus, ingenium a naturā; ad-
 sit scientia ab arte; accedat vsus per nostram solertiam &
 laborem; & Apollinari fronde non indigni deprehen-
 demur; Hæc tria nobis hoc loco non solum exposuit,
 sed iterum atque iterum mirifico artificio atque ordine,
 paribus relatis paribus, repetita inculcauit. Et primo qui-
 dem modestissime se cum Pindaro compēnens, dicit il-
 lum, quò ad naturalem indolem, ad poësim factum, esse
 Cycnum; se verò apiculam, in sectum minimum ad ali-

- A** tem maximum collatum . Quo autem ad litterarum scientiam doctrinamq; variam, Pindarum dicit leuari *aurea multa*; Se verò *more modòq;* apiario non altum tendere, sed humilia sectari, dum grata carpit thyma . Qua quidem in re (vt parce ac modeste de se loquatur & sentiat) ostendit in Pindaro vberem doctrinam fuisse, à qua longe absit ipse; sed tamen diligentia, & sedulitate legendi aliorum scripta supplere, quod de propria eruditione defuit sibi . Quo autem ad exercitationem, Pindarum affirmat tendere in *altos nubium tractus*, se verò laborare plurimum . Quis modo non admiretur & exosculetur industriam & artificium singulare huius laboriosi atque operosi magistri? Et sane decebat eum locum, in quo de suo labore ac studio testetur, esse elaboratissimum, & studio mirifico concinnatum . Ergo rursus tria illa, quæ poetam efficere significarat, *ἐκ λυγροικῶς* ingenium per Cycnum & apem; doctrinam per *aurea multa* leuari, *ἐκ τρυφῆς* grata decerpere: exercitationem, per *altos tractus nubium*, & per *laborem plurimum*, repetit elegantissime atque industriosissime ad se ipsum citra allegoriam referens; dum dicit, *paruus*, vt apicula, non vt Cycnus, quo ad ingenium . Circa nemus vuidiq; *Tiburis ripas*, quod ad doctrinam humilem, non excultam, non expolitam, sed rusticam & agrestem, quam in Pindaro vocat, *auream multam*, qua tolleretur altissime: in apicula vero dixerat, grata thyma carpere . Quo autem ad vsum & exercitationem (quod erat tertium) dicit, *operosa carmina fingere*, quod in Pindaro tamquam Cycno vocat, vti admonebamus, *Tendere in altos nubium tractus*, & in ape dixerat, *per laborem plurimum* .
- Hæc mira poetæ diligentia & obseruatio, quo melius adhuc expressusq; teneatur, subiectam descriptionem exarare non pigebit.

CAVSÆ EFFICIENTES.

A

posseas remotiores sunt tres;

1	2	3
Ingenium	Doctrina	Exercitatio
Cygnus	Aura multa	Tēdere in altos nubium tractus.
Apis	Tyma cāpere	Per laborem plurimum.
Parus	Circa nemus &c.	Operosa Carmina fingere.

- 23 SED cur Matinam apem memorat? & cur potius Matinam inducit, quam Hybleam vel Hymettiam? dicam. Remotioribus causis poetices in efficiēti genere expositis; proximam in eodem genere ostendi, par erat: Hæc autem, ipsemet poeta est, qui, ut in Pindaro describitur per *Duceam*, hoc est Thebanum a Dirce fonte nobilissimo agri Thebani, ita in Horatio significatur per Matinam, a montibus sic dictis, qui dissimulant Apuliam & Lucaniam a Calabria. Cum Flaccus neque apululus esset omnino, neque Lucanus; nam de se dubitat; Lucanus an apululus anceps; Venusinus autem (qualis Horatius) arat finem sub utrumque; Colonus. Sic se ipsum designans per apem; iure Matinam agnominavit. Nam cur se apem fecerit Horatius, sanè non potest alicui esse dubium; cum apes, ut ait Varro doctorum omnium longe doctissimus, musarum volucres habeantur. Sed cur musis, sacre dicuntur esse apes? An quia melliti verè sunt poetarum dulcissimi labores, & lepores? An quia uti melle nil suavius vel salubrius; ita boni poetæ sèper utilitatem coniungere debent maximam cum suauitate: de illis enim dictum est verè: Omne tulit punctum, qui miscuit utile dulci. An quia sicut apum examina vagarum uas sedes quæritantia, cymbalis & plausibus certisq; numeris ad certum locum reducuntur; ita poetæ quicquid produnt, & rhythmis & metris certisq; modis semper includunt? An, ut mihi præter hæc uiuat putare, apes natura sua castissimæ omnium animalium esse censentur?

A nam homines a coitu olidos acriter insectari, & vt Plu-
 tarclius inquit, accipere malè, dicuntur. Neque enim
 concubitu indulgent, neque corpora segnes in ventrem
 soluunt. Musas autem esse castas (vnde etiam à castita-
 te Camœnas esse dictas volunt) poetarq; amare & puros
 & castos, nullus reuocare in dubium potest: Musarum
 sacerdos virginibus puerisq; cantat. An quodd genus a-
 pum facile irritatur, & ni vehementer noceant, insectari
 usque non cessant? Persecutus est vos Amorrhœus, di-
 cebat Moyses, sicut solent apes persequi: & rex sanctissi-
 mus: Circumdederunt me sicut apes: vnde etiam vos
 catas putarem in lingua sancta. Debo-
rim.
 B quasi nego-
 cia, quod vel minimum irritatæ molestæ sint, & nego-
 tium facestant. Esse autem genus irritabile vatum, nos-
 tissimum est: & ipse Plato docuit in Minde prudentis vi-
 ri esse *μὲν ποτὶ ἀπεχθάνεισθαι τοὺς ἐν τῇ ποιητικῇ*, nam qui
 poetar commouerit, flebit, & insignis tota cantabitur vr-
 be. An, quod & verissimum est, & huic loco maxime
 consentaneum; vt apes summo labore, summa sedulita-
 re atque assiduitate rorem cœlestem de suauissimis qui-
 buscumque floribus ita decerpunt & colligunt, vt pro-
 prium tamen liquorem dulcissimum, quod mel dicitur,
 efficiant: ita boni poetæ summo studio, indefessa medi-
 tatione, atque optimorum quorumcumq; auctorum le-
 ctione & electione diuinæ sententias ita carpunt, vt pro-
 pria tamen poetica mella mirum in modum & suauia &
 proficua conficiant? Sed cur & nemoris & riparum ty-
 burtnarum facit mentionem? Primò, vt efficientibus
 causis omnibus explicatis, adiuuantes etiam notet: Va-
 res autem amare solitudines, montes, fontes, nemoraq;
 longè a populari strepitu secreta, nullus est, qui nesciat:
 Deinde, vt se ipsum studiumq; suum melius describeret.
 Nam vt patria declarata iam fuerat per Matinos saltus; ita
 consuetudo vitæq; studium suæ explicaretur per seces-
 sum Tyburtnum; quo summopere delectaretur Flac-
 cus, vt multis in locis apernit; ac præsertim vbi se per-
moli

cussum amore testatur præcipitis Aniënis, & Tyburtini
 Iucus; & explicatius adhuc, atque ad nostram, quam præ
 manibus sententiam habemus, accomodatius; pœtas in
 quiens oblectari solitarijs & remotis locis sacrorum ne-
 morû & riuulorû murmurantiû. Sed quæ Tybur aquæ
 fertile, perfluunt, & spissæ nemorû comæ; & ode prima;
 gelida nemora pœtas sectari præcipuè, significauit.
 Vndum autem vocat Tybur propter aquarum copiã,
 quas nostra etiam tempestate ferulissimum tractum illû;
 & amœnissimum reddere nouimus; Vnde alibi de il-
 lo loquens dicit: Et vda mollibus pomaria riuus; & alibi;
 Ne semper vdm Tybur: &c. *Cyenos* autem, quos la-
 tini dixerunt olûres, celebratos esse a poetis quasi priua-
 tum peculium, quia suauissimam vocem ante obitum
 dædere credantur, notissimum est: Vnde sonum *Cyeni* ol-
 de proxima sequenti, pro cantu dulcissimo, vetus *ladas-
 gium* respiciens *κύκνον ἄσμα*, posuisse videtur. Quod
 Diuus *Hyeëronimus*, in quo nihilo minor fuit elegantia
 doctrinæ, atq; sanctitatis vitæ, interpretatus est *Cyneum*
 canorem; quamquam re vera *Cyeni* clangorem ansest-
 num potius sat ingratum edant, vnde meritò *Vergilius*
 paucos illos vocauit; Dant sonitum rauci per stagna lo-
 quacia *Cyeni*. Cur verò pœtæ tantò pære cantum illo-
 rum celebrent, se seq; illis potius quàm *philomenis* aut
Iulenijs, vel alijs quibuscuis alitibus equiparare volue-
 rint, doctiores edisserant. Nos fortasse præter id, quod
M. Tullius ex diuino *Platone*, de eorum diuinatrice vi,
 vnde *Apollini* dedicati essent, testatus est; non male exi-
 stimabimus, si ex *Philostrato* & *Achiano*, *Cyenos* non ca-
 nere, nisi flante *Zephiro*, edocti, dicamus, *Cyenos* meritò
 symbolum esse pœtarum. Quia vt hoc genus quium nō
 cantant nisi flante *Faunio*, ita pœtæ nihil possunt in ar-
 te musica, quod iuuat ac delectet; nisi aspirante diuino nū-
 mine; quo tamquam *Zephiro* viuificantur, & quasi gra-
 uidetur corû percite mētes. Quod verò de cantilenis ali-
 quantò dulcioribus instante illo pœtæ dicunt; et si fabu-
 lolum

- A. losum videatur; quia greges olorū in stagnis Narbonensibus a venatoribus vulneratos moribundosq; diligenter obseruarunt; neq; suauitatē illam vocis propterea perceperunt familiares nostrī: tamen in his Cynis, qui senio confecti naturę cōcedunt, multū id incredibile nō est; cū propter exilitatem gutturis, instrumētis vocalibus factis argutioribus, vocem in extrema senectā suauioremittere possint & iucūdiorem. Vnde cur poetæ Cynos sese vocitēt, noua quēdā nobis ratio potest innotescere. Vt. n. Cyni senescentes sunt canōriores, & vt ait Lucretius,
- » liquidioresq; lugubri voce querelam attollunt, cum nece
 » detorquentur; ita poetæ iuueniles spiritus paulō calidiores maturando & refrigerando, semper procedente ætate, sunt elegātiores & prudentiores. Hinc Oedipus Coloneus in Sophocle, qui a filio, iā infantiæ reus propter senectā ageretur, longē plus laudatur, quā alia eiusdem gregij poetæ quęuis fabula. Hinc pari ratione Panathenæus in Isocrate (nam oratori multa sunt cū poetā communia) longē plus a doctis cunctis probatur, quā alię eiusdē artificiosissimi rethoris dulcissimę declamationes.

» *Concines maiore poeta plectro*
 » *Casarem*

- C. QVIA instrumentorum quoq; notitia, quibus aliquid conficitur, ad integram rei confectę cognitionem, multū conducit; hæc autē ad efficiētem causam suo quoq; modo pertinent; post efficiētes causas primarias, secundarias adiuvantes etiam instrumentales nō præterit. Instrumenta lyricę poeseos duo sunt sine dubitatione; verba quibuscūq; numeris cōprehensa, quę modulata voce pronuntientur; & sonus vel lyrę vel cytharę vel Bārbiti vel etiā tibię, ad verba modosq; aptatus; Vt verba sic modulata notaret, dixit, *Concines*. Vt lyrę vel cuiusvis aliūs instrumenti musici strepitum intelligeremus, dixit, *Maiore plectro*. Plectrum fuit a principio radiolus, quo altera

altera manu pulsabant cordas Bārbiti-vel Lyra. Sed procedente tempore & ex cultis artibus, nomen plectri sumptis arculus ille setis equinis tensus, qui resina illitus & fidibus affricatus susque deq; illas loquaces reddebat. Tandem Demopoeto Sicionio, vel ut alij voluerunt, Epigono Ambraciote auctore, officium plectri ad solam dexteram translatum fuit, quæ summis digitis tremulisq; nervos argutæ testudinis contentos velleret, dum ij sinistra certis in locis vel apprimerentur vel relaxarentur. Sed cur dicit, *maiore plectro*? & quid hic est plectrum maius? Elucidabitur hoc, spero, paulo post.

Quandoq; trahet feroces,

Per sacrum cliuum merita decorus

Fronde sicambros.

Quo nihil maius, meliusve terris

Fata donauere, boniq; diui

Nec dabunt, quamuis redeant in aurum

Tempora priscum.

Hoc tandem loco insinuare incipit, quæ sit forma, cum poeseos in vniuersum, tum lyricæ priuatim. Et quia formam & quasi animam poeseos in genere non est obscurum esse imitationem; ut quæ sit forma lyrici carminis speciatim exprimat, inducit imitationem atque imaginem triumphi, quam ita suis cunctis & coloribus & lineis & umbris & eminentijs fingit, ut nil illustrius, nil euidentiùs spectari possit.

EFFIGIES TRIUMPHI.

A SPECIES triumphi, quem Flaccus describit in gratiam Augusti Cæsaris ob victoriam de Sicambris felicissime partam, tres habet partes; prout tres sunt res omnino, quæ in triumphi lætitia considerari possunt. Una est, pompa ipsa triumphi dum ducitur; altera, cogitatio eorum, quæ triumphum comitantur: tertia eorum, quæ triumphum consequuntur. Harum singulæ, quomodo graphicè depingantur, diligenter precor amice lector obserua.

B In prima parte non ne tamquam oculis cernimus imperatorem ipsum, quasi Diuum aliquem in terris corona triumphali redimitum, pompa & ornatu magnificentissimo instructum in suo maiestatis curru, tota ciuitate spectante, cuncto populo acclamante & applaudente in Capitolium vehi; nam dum inquit. *Quo nihil maius melius uè terris fata donauère, boniq; diui.* Cæsarem sine dubio tamquam diuum aliquem delapsum de cælo suspicimus & veneramur. Deus namque ὁ θεὸς καὶ ἀγνός, nonne optimus maximus ille est? Non ne Deo proprietates istæ potissimum tribuuntur, potentia & bonitas? Dum itaq; Cæsare nil maius in terris, nil melius illo esse audimus; ipsum planè & maximum & optimum concipimus;

C Ergo tamquam Deum, tantum non immortalè suspicimus. Et dum ait, *merita decorus fronde*, Non ne & omnem apparatus triumphalis pompæ magnificentissime splendidissimeq; videmus? Et in illo *menta*, non ne etiam virtutem Augusti, resq; fortiter, prudenter modestissimeq; gestas ab eo rememoramus? At cum infert, *trahere Sicambros feroces*, non ne indignantes & quasi reluctantes barbaros, vultu truces, capillis impexos, etsi catenis victos, non dum tamen in animi feritate ac libertate victos, trahi videmus & congaudemus, ac si feræ captiuas in domitas volentes, nolentes, quasi per ludibrium exagi-

tari videremus? quod alibi videtur expressisse dicens,
 ductaque per vias Regum Colla minantium. Dum di-
 cit, *per sacrum cliuū*. Non ne quasi vias omnes, per quas
 triumphus incedat, a Vaticano & territorio triumphali
 vsque in Auentinum & Capitolium ipsum, & tapetis &
 auleis & pictis tabulis, & totius ciuitatis frequentia ac no-
 bilitate ornatas & apparatus intuemur? & per illas, non
 ne molem ipsam triumphi, equis generosissimis con-
 nitentibus, armis & vngulis in Capitolium cōtendentibus,
 incedentem & nutantem spectamus? Sed quid sibi illa
 volunt. *Fata boniq; diui*. Quid ve inter se habent hæc
 28 discriminis? An respondent diuinis illis duabus, quas di-
 cebamus, virtutibus? potestati & bonitati supremis? Quod
 72 Augustus rerum potiatur, nec sit illo quisquam maior in
 orbe terrarum a fati, hoc est, a voluntate quidem Dei
 omnipotentis est; sed mediantibus causis & naturalibus
 & fortuitis, quibus nos pares haud sumus, euēnit. Quod
 autem idem Cēsar bonitate, clementia, facilitate, sapien-
 tia, iustitia, fortitudine, deniq; virtutum omni sobole a-
 mirabilis sit, & veluti Deus admirabilis, hoc non a fati ac-
 cidit, sed benignitate tantum diuorum extitit, neque di-
 uorum quorumcumq; , sed bonorum tantummodo.
 At sunt ne dii multi? & sunt ne dii alij boni, alij mali?
 Minime verò; absit impietas omnis; vnus enim est De-
 19 us, atque is semper bonus: neque enim esse decet Deos
 malos, vt ait diuus Augustinus. Neque Antistius Labeo
 Trebatij Testē discipulus, & totius antiquitatis omnium-
 que artium peritissimus, probandus fuit, cum numina
 bona distinxit a numinibus malis. Nam attributa vnus
 Dei, cum plura sint, plures etiam dicti sunt Dij. Et quia
 bonitas in homine, comparatur quidem ab ipso homine,
 speciali quodam fauore atque auxilio Dei, non quatenus
 Deus omnipotens est, neq; quatenus iustus est, sed quas-
 tenus bonus est, & beneficus & munificus: propterea vt
 bonitatem in Augustum Cēsarem a bonitate Dei, sine vl-
 lo medio descendisse describeret: sicuti maiestatem &
 potentiam

A potentiam ab eodem vnico Deo per fatales causas. i. secundas causas in fluxu significat, dicit, *Fata donauere boniq; diui.* Ergo ò Antoni Iuli, tu poeta, me longè melior concines *plectro maiore Cæsarem*, quandocumq; ille decorus merita fronde; quo quidem Cæsare nil datū fuit in terris a Dijs immortalibus, neque maius, neq; melius, neq; dabitur posthac, quamuis redeant secula illa prisca saturnia, trahet sicambros feroces per viam sacram, quæ acclius erat in Capitolium; Propriè autem clius Capitolinus incipiebat ad finem velabri, & desinebat in ipso Capitolio, tendentibus, ac proinde Clius Capitolinus dicebatur. Offenderunt viri eruditissimi hypercritici in voce *quandoq;*, quæ accipiat pro quandocumq;. Sed videant quæso ne offendant ipsi aliquanto magis purgatas aures suis reculis carminibus. Sed cur nō resinxerunt quoq; illud, *quandoq; bonus dormitat Homèrus*, vel etiam illud, *Et quandoq; potentior largis muneribus riserit æmulus*, utrobq; .n. eodem pacto accipitur: vel quid miri aut mali est, in *quandoq;* redū dare *Que*, vt idem valeat omnino *quandoq;*, ac si dixisset, quando? Aliquanto cautius offendere possunt aliqui in hoc; quòd apud Ciceronem legamus; cū de foro in Capitolium currū flectere triumphātes inciperent: iubere captiuos Reges duci in carcerē. Vt populus Rom. pulcherrimū spectaculū, fructūq; victorię percipere posset. Nā quos sepe metueris, eosdē victos ad suppliciū duci videre, dulcissimū est: hic tamē cōtra Flaccus dicat, etiā per capitolinū cliū, in triūpho ducēdos esse captiuos Sicābrorū duces. Sed responsio in promptu est, stante ac florente rep. Rom. idē quoq; dies & victoribus imperij (vt idē Cic. testatur) & victis vitæ finem facere solitus erat. Verū collapsa Quiritū libertate: legibusq; populi Rom. cōturbatis: & si triūphassent, imperij tamē perennis fasces, & secures nō deponēbāt Imperatores. Itaq; vel securi percutere, vel retinere subactos Reges in custodia, vel donare libertate, vel restituere etiā in antiqua regna pro suo arbitrio, ac libidine facile poterāt.

- *Concines letosq; dies & urbis*
 • *Publicum ludum super impetrato*
 • *Fortis Augusti reditu, forumq;*
 • *Latibus orbis.*
 • *Tum mea siquid loquar audiendum*
 • *Vocis accedet bona pars, & ò Sol*
 • *Pulcher, ò laudande, canam recepto*
 • *Cæsare fœlix*
 • *Tuq; dum procedis lo triumphe*
 • *Non semel dicemus lo triumphe*
 • *Ciuitas omnis,*

10 IN secunda huius effigiei parte exponit poeta ea, quæ triumphū comitantur. Et quia rerū omniū natura constātiū indiuidui comites sūt & tēpus & locus; rerū quoq; quæ cōparantur humano studio, nulli possunt assēcle reperiri coniūctiores, quā & tēpus & locus; cuncta .n. quæ intra cœli ambitū continētur, loco & tēpore aliquo clauduntur. Non iniuria itaq; Flaccus, vt comitantia triumphum effingeret, ad tempus & ad locum confugit; tempus notat per *letos dies*, locum insinuat per *urbis publicum ludum*. Vt hinc intelligamus cōmunem lætitiā, publicācamq; iucunditatem, in festiuitatibus chorearum, ludorum, spectaculorum, conuiuiorum, lectisterniorum, quæ celebrabātur, tum ob serenitatem iucundissimi diei, tum ob lætitiā exultantis ciuitatis. Et quoniam lætitiā publica ciuitatis, duabus in rebus cerni poterat; nempe vel rebus iucundis factitandis, vel ingratas ac molestas intermittendis; ob res iucundas agendas, dixit, *publicum ludum*; ob res

A ob res ingratas omittendas, addidit, *forumq; litibus orbum;* non quòd, vt Dionysius Lambinus voluit in hac parte, propter summam iustitiam Cæsaris, pauciores esse litigatores intelligat; id, quod nimis coactum fuisset, & ad præsentem lætitiā ciuitatis, quam illustrare volebat, omnino inutile; sed *forum litibus orbum* intelligendum erat de ferijs imperatiuis ob iustitiam indictum in causis agendis; neque enim in luctu tantum aut tumultu reip. sed multò magis in publica lætitiā iuris dicendi fieri intermissione decebat.

Tum meæ siquid loquar audiendum. Par istud rerum concomitantium, quas poeta exprelsit in publica lætitiā decantandas plectro Iuliano, accomodat ad se ipsum. Et primo, quòd ad tempus, quod primo etiam loco exposuerat; in comuni gaudio dicit se dicturum & decantaturum, *O sol pulcher, o laudande,* quod respondet illi, *letosq; dies,* Sol enim is est, qui diem parit; & si dies sit serenus & commodus, lætus etiā nobis efficitur. *Tum meæ siquid,* Tunc, quando triumphus ducetur, bona pars meæ vocis accedet. i. addetur & carminibus tuis, & vocibus popularibus, totiusq; ciuitatis acclamationibus. *Siquid loquar audiendum.* Nihil dum muto; mutabimus autem paulo post; modò, inquit, aliquid canere ego possim, quod dignum sit auribus Cæsaris, & tuis: & tunc sælix ego ac lætus ob Cæsarem receptum; quod supra dixerat in gaudio ciuitatis; *super impetrato fortis Augusti reditu,* canam, *O sol pulcher, o laudande.* Nam ò sol referre ad Cæsarem ipsum, qui Apollinis nomine, atque opinione delectaretur, vt quidam dicunt, importunū est & violenter extortum: Et sælix ad solem aptare, qui alios reddat sælices, nullo modo videtur hoc loco vel esse necessarium vel congruens.

Tuq; dum procedis Io triumphæ; Neque hoc etiam in loco, quicquam dum muto: dicemus verò quicquid sit innouandum postea; sed per apostrophem triumphum ipsum alloquitur, & in allocutione respondet ad alteram

E 2 illam

illam partem rerum confociantium, quæ locum respiciebat, & quod supra de publica lætitia dixit, *publicum ludum Urbis*, ad se priuatim ludum hunc adaptans dicit modo, *Ciuitas omnis*. i. Ego cum vniuersa ciuitate, & per omnes totius ciuitatis gradus ordinesq; discurrens, dum triumphus procedente pompa ducetur, *Non semel*. i. iterata voce clamabimus, *Io triumphe*; quæ vox erat militum, aliorumque de populo applaudentium, acclamantiumq; & aliquando loedoriam iacentium imperatori, victori, triumphatori, *ἰὸν πόλει* solebant in pæanibus poetæ sæpe accinere, quod vocabant Epiphthegma & ἐπιφθῆμα. In triumphis acclamabat populus. *Io triumphe*. Triumphū esse deductum de agnominatone illa Bacchi, de qua superius multa dicebamus Dithyrambi, non potest esse alicui dubium, ex testimonio Varronis, & græca etymologia. Nam (vt Plinius ait) liber pater primus triumphum inuenit.

A

B

„ *Dabimusq; diuis*
 „ *Thura benignis.*
 „ *Te decem tauri totidemq; vacca*
 „ *Me tener soluet vitulus relictæ*
 „ *Matre, qui largis iuuenescit herbis*
 „ *In mea vota.*

C

H A B C tertia pars est imaginis triūphalis; in qua pinguntur ea, quæ triumphū consequuntur. Postquā imperator curru triumphali vectus a porta triumphali, per viam sacram ad Iouem capitulinum ascendisset; maiores hostias pro agēdis summo Deo gratijs sacrificabat. Tunc per totam urbem magnificentissime ab amicis & familiaribus imperatoris rem sacram fieri, victimas mactari multas, vota persolui solemnia, sacrificia peragi splendida atque sumptuosissima, per cuncta delubra Deorum verisimile

mile

A mile est; immo boues albas mactare imperatores triumphantes, & inter sacrificandum, orationem huiusmodi ad Deum habere memorie proditum est. Gratias tibi Iuppiter Opt. Max. tibi; Iuno Regina, & ceteri huius custodes habitatoresq; arcis, Dij, libens lætusq; ago, re Romana in hunc diem & horam per manus, quod voluistis, meas seruata bene gesta que. Eandem seruate, vt facitis, fouete protegitte propitiati, supplex oro. Quod modo exponit poeta dicens, *dabimusq; diuis thura benignis*. Nulla .n. fere sacrificia apud veteres Romanos sine thure peragebantur; quamuis, Arnobio teste, neq; heroicis temporibus in græcia, neq; regnantibus adhuc Romulo, & Numa in Latio, quid nam thus foret, sciretur; tantam tamen adeoque arctam cognationem thura cum sacrificijs habere nouimus; vt quemadmodum latina vox thuris descendit a græco *θύρον*, quod est sacrificare, potiusquam à tunsione; ita græca vox libani, (nam græci thuris plantam *λίβανον* dicunt, vt gummi destillans de planta, quod adolemus, vocant *λίβανωτέον*) libandi, ni fallor, vocabulum peperit, quod sacrificio accommodatur; vti legimus apud Maronem, Ignibus impositis sacris libamina prima; Nam deduci libationem *ἀπὸ τοῦ λίβανος*, quod est stillare, probare multum non possum; cum contra potius *ὁ λίβανος* sic dicatur, quod stilllet, guttatimq; roret quod nos diligenter colligamus ad libamenta, & ad sacrificia. Ad Liberum namque patrem reijcere vocem libaminis, quod Ouid. probat, nulla congrua ratione nititur. Ergo tanta est affinitas thuris cum libamine, & sacrificio; vt mirum non sit, si quasi lex, vel saltem cæremonia naturalis apud nos Christianos quoq; obseruetur. Immo mirum maxime sit, si quos Christi Saluatoris nostri profitentes nomen sacratissimum, de templis, deq; sacris vsum thuris abegisse videamus: Vtinam vtinam sic vitam instituant nostram, sicut suffitus thuris in quotidiano cultu Dei, nobis instituendam esse demonstrat.

Carna

Carnalis concupiscentia in nobis concremanda & mortificanda nimirum est; vt oratio nostra, sicut incensum in cœlum feratur. Sic erimus vbiq; bonus odor Dei, sic thymiama nostrum mortificata carne, spiritum in cœlos aspirare condocet faciet.

Te decem tauri. Tu quidem vt opulentus, ἐνκοῦρος victimam persolues, viginti bouum mactabis hostiam pro votis susceptis, proq; gratijs summo Deo agendis de Cæsariana victoria & sospiti reditu: ego, cuius facultates longe tenuiores sunt, tenellum vitulum in sacrificium dabo.

Me tener soluet vitulus. Aggreditur nunc pulcherriam descriptionem victimæ; & primò quidem ostendit, quid votum sit. Nam si votum obligatio quædam est aduersus Deum, qua nos illi, sponcione facti, alicuius rei præstandæ obstringimus: persoluto voto nos ipsos ab illa obstrictione & obligatione soluimus & liberamus; & ideo dicit. *Me tener soluet.* Ethici naturæ lumine tantum adiuti nuncupationem votorum laudarunt & obseruarunt; qui se christianos iactant naturalē splendorem obcoercentes, obligationes votiuas irrident. Sed cur irrident? Libertate, inquiunt, qua nullum maius homini bonum datum fuit, se ipsum priuare sua sponte, nefarium est. Verum insipida sapientia reddidit illos insatuatos; quid? obfirmatio voluntatis in bonum, num priuare nos libertate iure dicatur? immo num potius obfirmatio eiusmodi, efficit nos beatis spiritibus propèmodum equales? qui quòd peccare amplius nequeant, non carere dulci libertate propterea censendi sunt: felicem necessitatem vocabat vir Dei, quæ nos ad meliora compellit. Deinde, qualis sit hæc victima, ante oculos nostros ponit; Nam & vitulum & tenerum vocat, & dudum à lacte depulsum notat, & spaciosus in pratis iuuenescere declarat. Sed quid est, sodes, iuuenescere hoc loco? Equidem putarem, aliorum esto iudicium, cò ætatis tendere, vt iam iam de vitulo transeat in iuuenem: Nam

A *ut vitulus* (ni fallor) dicitur à vita, potiusquam à vitulando; cum contra potius vitulari, quod est ludere & letari, deductum videri possit a vitulo: sic iuuenus dicitur à iuventute; ita ut iuuenescere omnino sit hoc loco ad gradum iuueni maturare: quasi significet vitulum à se destinatum ad sacra Cæsaris, paulò postea iuuençû futurum. Esse autem quatuor gradus ætatis in genere bubulo; & primum quidem vituli, secundum iuueni, tertium bouis nouelli, quartû vetuli, apud doctores rerum georgicarum, vulgatissimum est. Qui autem exponunt iuuenescere pro lasciuire, non animaduertunt, poetam nostrum verba sterilia nulla solère vñquam apponere. Qui autem interpretati sunt, adulescere, verbi significatum tenent, sententiæ vim non apprehendunt.

B Sed cur se vitulo, Iulium tauris, litaturum promittit? An præter id, quod supra dicebamus de opulentia vnius & tenuitate alterius, taurus dabatur Epicis poetis, iuuenca Lyricis? Epicos autem versus meditari Antonium, declarant illa, *maior plectro*; præterquam quod Aeron interpret antiquus disertè dicit Ant. Iulium heroico versu duodecim libris Diomedeam scripsisse: se autem poetam melicûm nullatè facere pro incolumitate ac victoria Cæsaris posse aptius affirmat Flaccus, quàm vitulo nõdum penitus iuuenço, quem lyricis carminibus esset promeritus;

C *Fronte curuatos imitatus ignes*
Tertium luna referentis ortum,
Quia notam duxit niueus videri
Cætera fulius.

Cum per imitationem Sicambrii triumphii, poetæ consilium esset, poetæos lyricæ propriam & nativam formam substantiamq; demonstrare, egregia quedam imitatione

tatione particulari concludere cantionem suam decre-
uit. Imitatio autem ista tam expressa est tam exculta, tā
polita atq; limata, vt in vlllo alio poeta græco vel latino;
parem *μῖμνον* reperiri posse non facile credam. Et me-
ritò sanè calamistra omnia poetica adornari hoc in loco
calefieriq; decebat. Nam in imagine & tamquam pro-
totypo imitationis pingendo, perfectissima, elegantissi-
ma, numerisq; omnibus absolutissima imitatio pingenda
& illustranda fuit. Vereor tamen, ne vir impense do-
ctus; & qui summa cum sœlicitate græcos oratione lati-
na, & latinos sententijs græcis locupletauit Dionysius
Lambinus, Christophorum Landinum nostrum sequu-
tus, elegantissimæ huius & ornatissimæ picturæ cinci-
nos conturbarit. Quid erat opus petere cornibus can-
dentem lunulam? Quod autem dico, est huiusmodi.

Descripserat iam Flaccus aperte ætatem vituli ad sa-
crificium destinati. Nunc subijcere oculis studet eiusdē
buculi speciem vniuersam. Et dicit esse ruffum siue ful-
uum, qui color in bubulo genere cum primis laudatur,
per omnes totius corporis partes, præterquam in fronte;
vbi nota quædam impressa fuit candidi coloris, quæ no-
ta nascentis Lunæ triduanæ figuram prælèserat. Quid
hæc imaginē speciosius? quomodo speciosa imago po-
tuit exprimi præclarius? Meus inquit vitulus *imitatur
fronte curuatos igneis*. i. similis est fronte sua cornibus igne-
scentibus & splendescentibus, & propriè candentibus lu-
næ, quæ tertio post ortum die compareat. Imitatur, in-
quit, fronte vitulus meus lunæ cornua; non tamen id fa-
cit vniuersa fronte; sed ea tantum parte frontis, *qua no-
tam duxit niueus videri*, in parte. s. qua candentem macu-
lam contraxit (sine distinctione enim hæc lego) vt in-
telligatur spiritu vno, notam contraxisse huiusmodi, vt
videatur ibi niueus candidusq; . Forma autem dicendi
græca est; vti quæ statim sequitur, *cetera fuluus*, id est
in reliquo autem vniuerso corpore fuluus est omnino.

Qui referunt imaginem istam ad cornua vitulina;

- A** cum ineptum faciunt, poetam elegantissimum, qui vitulum describeret à re cōmunissima & naturalissima; (quid enim amplius hic vitulus habuisset? Num habere cornua in cornuto genere rarum est & insigne? Num cornua fortasse, cornua & curuata non sunt? Effet ne hoc describere graphicè, an boare stolidè?) Tum se ipsos nō sat aptos produnt in eo; quod illa ex cornibus descriptio non posset esse nisi declaratio ætatis: At ætatis descriptio iam tradita fuerat, cum vitulum vocaret tenerum, & a matre depulsum, & iuuenescere etiam adiunxit. Præterea, si buculus ille depulsus modò à mammis fuit; si iuuenescit duntaxat, neq; dum iuuenecus omnino dici potest; vnde nam queso cornuum tantum? Ecquis in ea ætate turgentia modò cornicula vidit eò vsque curuari? Adde, si lunam imitantur vera cornua, nō macula; Quis non vitium agnoscat poetæ describentis vitulum ex nota niuea, & qua nam in parte sit illa nota prætereuntis? vel si fortasse, notam fuisse in fronte contendas, certè cuius formæ esset illa nota, notata non est. Ad hæc, inducente Flacco curuatos igneis; quis non videat, argenteum illū splendorem candoremq; , dum reparat noua cornua phæbe, in cornibus vitulinis minus conuenire; in candida verò macula lunæ candorem imitante, aptissime quadrare? Demum, cum icon ista vituli tota per imitationem alterius generis descripta sit ab equo Homérico, *ἀριπρεπὴν καὶ πρῶχον*; in qua Horatius normam nobis imitandi quoq; aliorum imitationes præmonstrauit; ne videlicet, verbum verbo curemus reddere interpretis nimium fidi; quis neget sententiam huius loci esse eam, quam nos interpretati sumus? Homerus in generosi & præstantis equi fronte, lunæ formam esse voluit, *πανσέλινον*, cum cōeunt tota cornua, efficiuntq; orbem, ut ille inquit; Flaccus in fronte vituli, speciem lunæ finxit *μηνόδεος καὶ ἀπτιόου* Homeri carmina hæc sunt, quæ si ne controuersia imitatus est Horatius hoc loco, ut imitandi modum præscriberet ac doceret.

- 2 Φράσσει το δ' ἴσων ἀριπρεπεία πρᾶχοντα
 3 Ὅς ἂν μοι ἄμω πῶσον φῶνιξ ἦν εἰ δὲ μετώπῳ
 4 Λοκὸν σῆμ' ἐπίτυκτο ποδὶ τροχὸν ἢ ὑπὲρ μύλων.

Hic demum, vt nostram lucubrationem concludamus, nonnulla diligenter obseruabimus. Primum, cum poetæ studium hac ode fuerit lectorem instituere in poetico munere fungendo rectè: munus autem poeticum vniuersum versetur in imitatione; imitationis rem ex imagine triumphi nobis expressit, imitationis nomen tacitum præteriri etiam noluit. Itaq; diserte dixit: *Imitatur igneis.*

Secundum est; cum imitatio poetica duplex sit; vna totius, altera partium & quasi membrorum: adumbrato triumpho per imitationem, vt totius; etiam vituli subungere imitationem curauit, vt membri.

- 34 Tertiū cum aliud quoddam genus reperitur imitationis longè à superioribus diuersum; & hoc etiam vtantur poetæ & omnes artifices; noluisse Horatiū, fugere quemquam, per multū interesse inter hoc genus imitationis & illud. Alia est. n. imitatio rerū & naturæ; alia est imitatio magistri atque artis. In priore decet omnino poetas esse diligentes; in posteriore tantum conuenit esse diligentes: hoc est, imitari debere poetas res; quas effingunt expressissime; & quò magis imitantur, magis laudantur: magistros autem & artifices priores imitandos esse cum delectu ac iudicio, atq; omnino parcè; vt hoc in loco fecit ipse met. Itaq; faciendi nobis præbuit exemplum: Nam equum mutauit in vitulum, lunæ rotundæ maculam & orbiculatæ variavit in corniculatā; retinuit tamen summo pudore ac nitore nonnulla, in quibus imitatio artificiosa cognoscatur, nam illud *ἢ ὑπὲρ ἄλλο φῶνιξ*, pene ad verbum reddidit *cetera fuluus*.

- 35 Quartum; præterire me etiam, quæ minutiora fortasse fuerint, nullo modo voluisse; cum nil sit tam exiguum in poeta maximo; quod hoc, vel illo modò scriptum, sit magnum

- A** magnum nō euadat. Itaq; mei ambo scripti codices manu, quos habeo non contemnendos, vbi legimus in vulgatis, *Tum mea siquid loquar audiendum*, communi sensu habent, *Siquid loquor*: quod certè mihi multo videtur aptius; cum intelligat se Cēsarianas laudes decantaturū, si modò aliquid in canendo possit; Nam dicere se cantaturum, si modo sit cantaturus, neque elegantem vllam sententiam habet, neq; veram. Præterea iidem codices eadem consensione legunt, *Teq; dum procedis Io triumphe*, non *tug*: Quæ lectio dici non potest, quantum mihi magis arrideat; vt se referatur ad illud *dicemus* .i. acclamabimus, vti supra: *pugilemne equumne dicit* .i. accinit; Et alibi, Me dicente cauis impositā illicem saxis; ita vt primum *Io triumphe* sit vocatiuum, posterius sit acclamatiuum & applausiuum.

Qintum; miro artificio nostrum Horatium iunxisse huius odes extremum cum principio; nam cum summa laus ac virtus poematis sit, vt docet Aristoteles, esse quā maxime vnum; tunc re vera vnum esse poema conspiciatur; quando rotunditate quadam totius sententiæ initium consentit cum fine. Initium fuit a Pindaro, quem imitari debemus, vt Idēam lyricæ poeseos. Finis est, vt exemplo cognoscamus, quo pacto Pindarum, vel alios poetas sub nomine Pindari designatos, imitari conueniat; quasi præcipiat ac dicat. Imitare; sed parcè & pudenter, vti me fecisse vides, ne fortè audias, non sine risu. O imitatores, seruum pecus.

Imitatione itaq; vtraq; demonstrata, tamq̃ forma essentiali, & tamquam typo exemplari poeseos; instrumentis subministratis, architectis & fabris accitis, rebus conductibus non neglectis, materia comparata, sine totius artis adumbrato; quis neget, artificio singulari, doctrina incredibili, ordine admirabili, elegantia & venustate peramabili Horatium Flaccum propriam artem faciendorum carminum carminibus diuina potius quam humana mente & calamo confectis docuisse & illustrasse?

Qui hæc vel non agnoscunt ingenue, vel conficta esse non detecta insimulent liuidè, hi ad mûsarum lîmina legant, ODI PROFANVM VVLGVS, ET ARCEO.

COMPENDIVM ODES EXPOSITÆ.



IN qua docetur ars lyrica per causarum omnium illius explicationem: *Pindarum*. Habes hic exemplarem causam: *Aemulari*, dicit; vt intelligamus, imitandum esse, non æmulandum. Et cur sit imitandus, copia maxima (velut aquarum in torrente) facit; rerum quidem, dum *seruare*; verborum autem, dum ponit, *ruere*.

Seu per audaces, Causa materialis exponitur; cuius vna pars est in dithyrambis, qui res tractant insolentes: propterea vocat illos *audaces*; verbis vtuntur insuetis; vnde dicit, *noua verba deuoluit*, Rythmos adhibent lætiores. Hinc infert; *numeris fertur lege solutus*.

Seu Deos. Altera pars materiei lyricæ versatur in hymnis & laudibus Deorum *Hefoum*;

Tertium verò genus materiei, qualis est hæc Odes ipsa, vertitur in Epinicijs.

Quartum in amatorijs; quod genus cum latissime pateat, explicatur per formam nobilissimam honestissimamque. Hæc sunt amati capitis defuncti suspiria & desideria cum celebratione virtutum eius; virtutes iuueniles in corpore, sunt *vires*; In parte animæ irascibili, *Animus*; In parte concupiscibili, *Mores aures*.

Hic dum interfert *munera donare* poetas *pretiosiora signis*, educere ad astra; *Inuidere Orco*, Quis vere sit lyricorum poetarum finis declarat.

Multa Dirceum. Efficientes causas, quæ sunt ingenium, ars, exercitatio, minuscè exponit in Pindaro velut *ycnos* confert illas secum, vt ape; reperit in se citra allegoriam, Et nemus *tyburinum* memorans & *Anienis ripas*: causas adiu-

A adiuvantes, sine quibus non extaret opus, subiungit.
Concines poeta maiore plectro. Hic apparent instrumenta
 liquido.

Quandoque trahet. Formalis causa explicatur per formam; hoc est imitatio poetica lyrae apta, quae sit per imitationem & effigiem triumphi manifestat. *Decorus fronde,* Ipsum imperatorem; *merita* & quo nihil maius meliusve. Qualitatem, maiestatem, & penè Deitatem imperatoris ante oculos nostros ponunt; *& seroces Sicambros trahet,* Devictos populos, & eorum truculentam naturam, Romanorumq; victrices manus exprimit. *Per sacrum Chium,* omnem triumphalis pompae apparatus adumbrat.

B *Concines latoque dies,* Circumstantia temporis. *Urbs,* Circumstantia loci patet; In rebus quidem iucundis adhibitis; dum dicit, *publicum ludum,* in ingratissimis amoris, dum dicit, *forumque luctibus orbem.*

Tux mae. Eadem circumstantias repetit in seipso, & de tempore dicit, *O Sol pulcher.* De loco dicit, *Civitas omnis.* Quae uniuersa applaudens voce, & manibus cantat, *to triumphe.* Et huc usque sunt, quae triumphum concomitantur; Quae consequuntur sunt, *Dabimusq; quis & reliqua.*

Vivulus relictæ matre. Imitatio particularis hæc est, quæ doceat & imitationem rerum, in qua fundatur natura poeseos, & imitationem artificis, quæ ingenium poetæ excitat & ducit.

C *Fronte curnatos.* Tam expressa, tam affabre picta est hæc imago, ut poeta bonus, nihilominus cognoscatur posse perspicue verbis, verborumq; coloribus, quam pictor lineis, linearumq; umbris & eminentijs, quicquid velit representare.

INDEX RERVM MAGIS IN- SIGNIVM, QVAE IN HOC PARVO VOLUME CONTINENTVR.




- P**es, musarum volu- *Epiciis poetis dabatur taurus,*
cres habentur. pag. *inuenga lyricis. 39.* **B**
26. **B** **F**
- A**pes natura sua castissima om- *Forma lyrici carminis, qua ste-*
nium animalium esse censen- *30.* **C**
tur. **26.** **C** *Flaccus, cur hac ode nobilissimā*
artem suam demonstrandam
susceperit. 19. **C**
Anaeaeontis lusus, & Sappho- *Flaccus in Pindaro vberem do-*
nis cupidines. **12.** **B** *ctrinam fuisse ostendit. 25.* **A**
Antonius Iulus, M. Antonij tri- *Flaccus, cur vocet Tibur vuidū.*
umviri filius fuit. **6.** **B** *28.* **A**
Ars poetica in imitatione consi- *28.* **A**
stet. **5.** **A** **H**
- A**emulatio nonnumquā pro imi- *Heroes quasi iocū. 17.* **C**
tatione virtutis sumitur. **8.** **C** **B**
- B**accanalia summa celebraban- *Icari historia. 9.* **B**
tur insania. **14.** **B** *Idea lyrica primum omnium sta-*
C *tuenda. 3.* **B**
Causae philosophi Platonici sunt *Imitationis poetice duplex exē-*
sex. **2.** **C** *plum. 5.* **B**
- C**armis ei statū differētia. **28.** **B** *Interpretes, cur scribāt Antonijū*
Cupidinis face extincta, integri- *Iulū, & nō potius Iuliū. 9.* **C**
tas amoris edmonstrat. **22.** **A** *Instrumenta lyrica poeseos quot*
D *sint. 29.* **C**
- D**efunctorum memoriam colere *Iuliorum familia unde sit pro-*
valde piū est. **21. B. 22.** **A** *gnata. 9.* **B**
Dithyrambi quaedam causa decan- *Laurus, græce nuncupatur δά-*
tentur. **22.** **C** *αυ. 12.* **C**
- D**octrina sine natura parū pro- *Liber pater, quare dithyrambus*
mouet. **24.** **B** *vocetur. 13.* **B**
- D**uplex liberi patris natiuitas est *Lyrica poesis quid sit, a quo sit,*
apud Origenē, et Eusebiū. **13.** **C** *& de qua materia sit. 1.* **B**
E
- E**ffigies triumphi. **31.** **A** **M**
- E**piphicia, cur celebrentur. **23.** **A** *Marcus Fabius, et Macrobius,*
imita-

- imitationem acceperunt pro
emulatione. 8. C
Matina nomen, unde deductum
fit. 26. B
Melicus quid tractet. 12. A
Musis, cur sacra dicantur esse
apes. 16. B
N
Nonnulla multum vitia tradit
Flaccus de lyrica poesi. 3. C
O
Olympia ciuitas fuit Elide. 19. A
Omnes viri potentes, nū heroes
dicendi sint. 17. B
P
Pistis opus. 1. 4. B
Pictura quid sit. 20. C
Pindarus, cur sit imitandus. 10. A
Poeta, cur Matinam, apem me-
moret. 16. A
Poetarū est nō quæ sunt, sed quæ
esse deceat, decantare. 21. C
Poetica munera, cur pluris pen-
denda sint, quam omnia de-
creta. 20. B
Plectrum quid sit. 29. 30. C
Plurima, diuersaq; certamina
sacra. 19. B
Proserpina Cereris filia, cur di-
catur libera. 14. A
Q
Quanta sit Bacci vis. 15. B
Quæ sint lyricæ poeseos cā. 3. A
Quæ res potissimum poeticarū
scriptionum granditatem ef-
ficient. 10. A. I. T. B
Quæ sit tertia pars melicæ poe-
seos. 18. C
Quem locum obtineat Pindarus
inter melicos potissimum. 18. C
Quenam proprietates potissimū
Deo tribuantur. 31. B
Quintilianus, velut quoddā elo-
quentiæ flumen Pindarū ce-
lebrat. 10. B
Quintiliani, & Macrobij aucto-
ritas. 8. B
Quis sit poeseos lyricæ finis in
specie. 3. B
Quidā multi sint affectui, ama-
torum laudibus, atq; Enco-
mijs. 23. C
Quo in loco habuēt musa. 5. A
Quot in rebus letitia ciuitatis
cerni possit. 34. C
R
Ruina quidnam significet. 11. C
Rustici officium. 4. B
S
Sacerdotem initiatum renasci o-
portet. 14. A
Sappho, musa decima non im-
merito iudicatur. 21. C
Sol quid sit. 35. B
T
Tria sunt, quæ nobilissimum poe-
seos studium pariunt. 4. C
Tria etiam sunt, quibus hæc ars
in suo munere fungendo vti-
tur. 4. C
Triumphus, unde deductus sit.
36. A
V
Verba composita, Dithyrambi-
cis apta. 15. B
Viderita, & lata est, qua singu-
læ causæ peruestigantur. 2. B
Votum quid sit. 38. B
Vulgatum M. Tullij elogium.
C

Nomina Auctorum in hoc opere citatorum.

A C R O N .	39	Marcus Fabius.	8
Aristoteles.	15. 43	Marcus Tullius.	14. 18
Arnobius.	37	Moses.	17
D: Augustinus.	14. 32	Oedipus Coloneus.	29
Christoforus Landinus.	6. 40	Origenes.	13
Dionysius Lambinus.	8. 35. 40	Ovidius.	37
Eusebius.	13	Petrus Victorius.	16
Franciscus Robertellus.	16	Plato.	27
Homerus.	41	Plinius.	16
D. Hieronimus.	18	Plutarcus.	27
Iulius Scaligerus.	15	Quintilianus.	8
Lucretius.	29	Seneca.	16
Macrobius.	8	Titus Livius.	2
Marcus Ant. Muretus.	8	Virgilius.	19. 18. 37



FLORENTIAE,
Ex Officina Junctarum. 1579.

Cum Licentia, & Priuilegio.





